



IZVJEŠTAJ O FINANSIJSKOJ REVIZIJI

VLADE FEDERACIJE BOSNE I HERCEGOVINE (GENERALNOG SEKRETARIJATA)

2025.

Broj: 01-02-06-11-1-3059-7/25



Sarajevo, maj 2026.





SADRŽAJ

I.	IZVJEŠTAJ NEZAVISNOG REVIZORA	1
1.	IZVJEŠTAJ O REVIZIJI FINANSIJSKIH IZVJEŠTAJA	1
2.	IZVJEŠTAJ O REVIZIJI USKLAĐENOSTI	2
II.	REZIME DATIH PREPORUKA.....	4
III.	KRITERIJI ZA FINANSIJSKU REVIZIJU.....	5
IV.	IZVJEŠTAJ O REVIZIJI.....	6
1.	UVOD	6
2.	PREDMET, CILJ I OBIM REVIZIJE.....	6
3.	PRAĆENJE PRIMJENE PREPORUKA I ANALIZA PREDUZETIH MJERA	6
4.	SISTEM INTERNIH KONTROLA	7
5.	PLANIRANJE I IZVJEŠTAVANJE	9
5.1	IZRADA I DONOŠENJE BUDŽETA I PLANA RADA	9
5.2	IZVJEŠTAVANJE	10
5.3	ODOBRAVANJE I IZVJEŠTAVANJE O UTROŠKU SREDSTAVA TEKUĆE REZERVE VLADE FBIH	10
6.	FINANSIJSKI IZVJEŠTAJI	10
6.1	GODIŠNJI IZVJEŠTAJ O IZVRŠENJU BUDŽETA.....	11
6.1.1	Rashodi, izdaci i finansiranje.....	11
6.1.1.1	Plaće i naknade troškova zaposlenih	11
6.1.1.2	Izdaci za materijal, sitan inventar i usluge.....	12
6.1.1.3	Tekući transferi i drugi tekući rashodi	12
6.1.1.4	Nadzor nad namjenskim utroškom i evaluacija efekata dodijeljenih budžetskih sredstava tekućih transfera 19	
6.2	BILANS STANJA.....	21
6.2.1	Gotovina, kratkoročna potraživanja, razgraničenja i zalihe.....	21
6.2.2	Stalna sredstva	21
6.2.3	Kratkoročne obaveze i razgraničenja.....	22
6.2.4	Popis imovine i obaveza	22
7.	VANBILANSNA EVIDENCIJA	23
8.	JAVNE NABAVKE	23
9.	KOMENTARI NA NACRT IZVJEŠTAJA.....	23
V.	PRILOZI	25
1.	GODIŠNJI FINANSIJSKI IZVJEŠTAJI.....	25
2.	IZJAVA RUKOVODSTVA	25



I. IZVJEŠTAJ NEZAVISNOG REVIZORA

Izveštaj nezavisnog revizora daje se na osnovu provedene finansijske revizije, koja obuhvata reviziju finansijskih izvještaja i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

1. IZVJEŠTAJ O REVIZIJI FINANSIJSKIH IZVJEŠTAJA

Mišljenje

Izvršili smo reviziju finansijskih izvještaja **Vlade Federacije Bosne i Hercegovine (Generalnog sekretarijata) (u daljnjem tekstu: Generalni sekretarijat)**, koji obuhvataju: Bilans stanja na 31. 12. 2025. godine, Račun prihoda i rashoda, Izveštaj o kapitalnim izdacima i finansiranju, Posebne podatke o plaćama i broju zaposlenih, Godišnji izvještaj o izvršenju budžeta za godinu koja se završava na taj dan, te Analizu iskaza – tekstualni dio, uključujući i rezime značajnih računovodstvenih politika.

Prema našem mišljenju, finansijski izvještaji istinito i fer prikazuju, u svim materijalnim aspektima, finansijski položaj Generalnog sekretarijata na 31. 12. 2025. godine i izvršenje budžeta za godinu koja se završava na taj dan, u skladu s prihvaćenim okvirom finansijskog izvještavanja.

Osnova za mišljenje

Reviziju finansijskih izvještaja obavili smo u skladu sa Zakonom o reviziji institucija u Federaciji Bosne i Hercegovine i INTOSAI Okvirom profesionalnih objava.¹ Primijenjeni standardi su ISSAI 100 – Osnovni principi revizije javnog sektora, ISSAI 140 – Upravljanje kvalitetom za vrhovne revizijske institucije, ISSAI 200 – Principi finansijske revizije i ISSAI 2000–2899 – standardi finansijske revizije. Naše odgovornosti prema INTOSAI Okviru profesionalnih objava detaljnije su opisane u odjeljku *Odgovornost revizora za reviziju finansijskih izvještaja*.

Nezavisni smo od Generalnog sekretarijata u skladu s ISSAI-jem 130 – Etički kodeks, te u skladu s etičkim zahtjevima koji su relevantni za našu reviziju, i ispunili smo ostale etičke odgovornosti u skladu s tim zahtjevima.

Vjerujemo da su revizijski dokazi koje smo pribavili dovoljni i odgovarajući da osiguraju osnovu za naše mišljenje.

Odgovornost rukovodstva za finansijske izvještaje

Sekretarka Vlade FBiH (u daljem tekstu: sekretarka) je odgovorna za izradu i fer prezentaciju finansijskih izvještaja, u skladu s prihvaćenim okvirom finansijskog izvještavanja u Federaciji Bosne i Hercegovine. Ova odgovornost podrazumijeva i kreiranje, primjenu i održavanje internih kontrola, relevantnih za pripremu i prezentaciju finansijskih izvještaja koji ne sadrže materijalno značajne pogrešne iskaze usljed prevare ili greške, odgovarajuća objelodanjivanja relevantnih informacija u napomenama uz finansijske izvještaje, kao i odabir i primjenu odgovarajućih računovodstvenih politika i računovodstvenih procjena koje su razumne u datim okolnostima.

Odgovornost revizora za reviziju finansijskih izvještaja

Naši ciljevi su steći razumno uvjerenje o tome da li su finansijski izvještaji kao cjelina bez značajnog pogrešnog prikaza usljed prevare ili greške, kao i izdati izvještaj nezavisnog revizora koji uključuje naše mišljenje. Razumno uvjerenje je visok nivo uvjerenja, ali nije garancija da će revizija, obavljena u skladu s INTOSAI Okvirom profesionalnih objava, uvijek otkriti značajno pogrešno prikazivanje kada ono postoji. Pogrešni prikazi mogu nastati usljed prevare ili greške i smatraju se značajnim ako se razumno

¹ Odluka o usvajanju i objavi INTOSAI Okvira profesionalnih objava („Sl. novine FBiH“, broj 17/25). INTOSAI Okvir profesionalnih objava (engl. IFPP) čini tri nivoa objava: INTOSAI principi (INTOSAI-P), međunarodni standardi vrhovnih revizijskih institucija (ISSAI) i INTOSAI smjernice (GUID).



može očekivati da, pojedinačno ili zbirno, utiču na ekonomske odluke korisnika donesene na osnovu tih finansijskih izvještaja.

Kao dio revizije, u skladu s INTOSAI Okvirom profesionalnih objava, stvaramo profesionalne procjene i održavamo profesionalni skepticizam tokom revizije. Mi također:

- prepoznavamo i procjenjujemo rizike značajnog pogrešnog prikazivanja finansijskih izvještaja, zbog prevare ili greške, oblikujemo i obavljamo revizijske postupke kao reakciju na te rizike i pribavljamo revizijske dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja, nastalog usljed prevare, veći je od rizika nastalog usljed greške, jer prevara može uključiti tajne sporazume, krivotvorenje, namjerno izostavljanje, pogrešno prikazivanje ili zaobilaženje internih kontrola;
- stičemo razumijevanje internih kontrola relevantnih za reviziju kako bismo oblikovali revizijske postupke koji su primjereni u datim okolnostima, ali ne i za svrhu izražavanja mišljenja o uspješnosti internih kontrola Generalnog sekretarijata;
- ocjenjujemo primjerenost korištenih računovodstvenih politika i razumnost računovodstvenih procjena, kao i povezanih objava rukovodstva;
- ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i odražavaju li finansijski izvještaji transakcije i događaje na kojima su zasnovani na način kojim se postiže fer prezentacija.

Mi komuniciramo s rukovodstvom, između ostalih pitanja, i u vezi s planiranim djelokrugom i vremenskim rasporedom revizije i važnim revizijskim nalazima, uključujući i one u vezi sa značajnim nedostacima u internim kontrolama, koji su otkriveni tokom revizije.

2. IZVJEŠTAJ O REVIZIJI USKLAĐENOSTI

Mišljenje

Uz reviziju finansijskih izvještaja **Vlade Federacije Bosne i Hercegovine (Generalnog sekretarijata) za 2025. godinu** izvršili smo i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

Prema našem mišljenju, aktivnosti, finansijske transakcije i informacije Generalnog sekretarijata za 2025. godinu u skladu su, u svim materijalnim aspektima, sa zakonima i drugim propisima koji su definisani kao kriteriji za datu reviziju.

Osnova za mišljenje

Reviziju usklađenosti izvršili smo u skladu sa Zakonom o reviziji institucija u Federaciji Bosne i Hercegovine i INTOSAI Okvirom profesionalnih objava. Primijenjeni standardi su ISSAI 100 – Osnovni principi revizije javnog sektora, ISSAI 140 – Upravljanje kvalitetom za vrhovne revizijske institucije, ISSAI 400 – Principi revizije usklađenosti i ISSAI 4000 – Standard za reviziju usklađenosti. Naše odgovornosti prema INTOSAI Okviru profesionalnih objava detaljnije su opisane u odjeljku *Odgovornost revizora za reviziju usklađenosti*.

Nezavisni smo od Generalnog sekretarijata u skladu s ISSAI-jem 130 – Etički kodeks, kao i u skladu s etičkim zahtjevima koji su relevantni za našu reviziju, i ispunili smo ostale etičke odgovornosti u skladu s tim zahtjevima.

Vjerujemo da su revizijski dokazi koje smo pribavili dovoljni i odgovarajući da osiguraju osnovu za naše mišljenje.

Isticanje pitanja

Skrećemo pažnju na sljedeća pitanja:

- **Vlada FBiH je imenovala interresornu radnu grupu za utvrđivanje kriterija i komisiju za provođenje postupka dodjele sredstava tekućih transfera finansijske pomoći za gradove i**



općine za sanaciju šteta uzrokovanih poplavama (50.000.000 KM) koji su realizovani iz budžeta Vlade FBiH (Generalnog sekretarijata). Vlada FBiH je usvojila Odluku o raspodjeli i dodjeli sredstava kojom se definisani iznosi po korisniku razlikuju od onih koji su dobiveni primjenom bodovanja komisije u skladu sa utvrđenim kriterijima. Kriteriji nisu bili jasno definisani ni mjerljivi, što je imalo za posljedicu neobjektivno ocjenjivanje i netransparentnu raspodjelu sredstava. Navedeno nije u skladu sa Smjernicama o minimalnim standardima dodjele budžetskih sredstava putem transfera i subvencija u FBiH (tačka 6.1.1.3 Izvještaja);

- Vlada FBiH je na prijedlog interresorne radne grupe usvojila Odluku o utvrđivanju kriterija za raspodjelu sredstava za tekući transfer sportskih igara za mlade (350.000 KM), iako je Zakonom o izvršenju Budžeta FBiH za 2025. godinu definisano da se ova sredstva realizuju na osnovu programa utroška sredstava koji donosi Vlada FBiH. Transfer je realizovan iz budžeta Vlade FBiH (Generalnog sekretarijata). Također, nije prezentovano da je raspodjela sredstava izvršena primjenom utvrđenih kriterija što nije u skladu sa Smjernicama o minimalnim standardima dodjele budžetskih sredstava putem transfera i subvencija u FBiH (tačka 6.1.1.3 Izvještaja);
- Budžetom Generalnog sekretarijata planiraju se i realizuju sredstva tekuće rezerve Vlade FBiH u skladu s članom 60. Zakona o budžetima u FBiH i članom 10. Zakona o izvršavanju budžeta FBiH za 2025. godinu. Zbog različitog definisanja namjene sredstava tekuće rezerve pojedini korisnici sredstava tekuće rezerve Vlade FBiH su bili i korisnici sredstava transfera u resornim ministarstvima za finansiranje istih projekata (tačke 5.3 i 6.1.1.3 Izvještaja).

Naše mišljenje nije modifikovano u vezi s navedenim pitanjima.

Odgovornost rukovodstva za usklađenost

Pored odgovornosti za pripremu i fer prezentaciju finansijskih izvještaja, sekretarka je odgovorna da osigura da aktivnosti, finansijske transakcije i informacije budu u skladu s propisima kojima su regulisane i potvrdi da je tokom fiskalne godine obezbijedilo namjensko, svrsishodno i zakonito korištenje raspoloživih sredstava za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

Odgovornost revizora za reviziju usklađenosti

Pored odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije, u svim materijalnim aspektima, u skladu sa zakonima i drugim propisima kojima su regulisane. Razumno uvjerenje je visok nivo uvjerenja, ali nije garancija da će revizija, obavljena u skladu s INTOSAI Okvirom profesionalnih objava, uvijek otkriti značajnu neusklađenost kada ona postoji. Odgovornost revizora uključuje obavljanje procedura kako bi pribavili revizijske dokaze o tome da li se sredstva koriste za odgovarajuće namjene i da li je poslovanje Generalnog sekretarijata, prema definisanim kriterijima, usklađeno sa zakonima i drugim propisima. Procedure podrazumijevaju procjenu rizika od značajnih neusklađenosti sa zakonima i propisima koji regulišu poslovanje subjekta revizije. Također, naša odgovornost podrazumijeva i ocjenu finansijskog upravljanja, funkcije interne revizije i sistema internih kontrola.

Sarajevo, 28. 5. 2026. godine

ZAMJENICA GENERALNOG REVIZORA

Nina Džidić, s.r.

GENERALNI REVIZOR

Mirza Kudić, s.r.

II. REZIME DATIH PREPORUKA

REDNI BROJ	PREPORUKA	POGLAVLJE/TAČKA
1.*	Izmijeniti naziv budžetskog korisnika na razdjelu 12 glava 1201 u registru budžetskih korisnika s ciljem jasnijeg definisanja korisnika budžetskih sredstava.	4.
2.	Upostaviti funkcionalnu internu reviziju u skladu sa Zakonom o internoj reviziji u javnom sektoru u FBiH.	4.
3.	Osigurati da se odobrena sredstva za tekući transfer sportskih igara za mlade realizuju po programu koji donosi Vlada FBiH u skladu sa Zakonom o izvršenju Budžeta FBiH i da se raspodjela sredstava izvrši u skladu sa Smjernicama o minimalnim standardima dodjele budžetskih sredstava putem transfera i subvencija u FBiH.	6.1.1.3

* nerealizovana preporuka iz prethodnog perioda (1)



III. KRITERIJI ZA FINANSIJSKU REVIZIJU

Ured za reviziju institucija u Federaciji Bosne i Hercegovine u okviru finansijske revizije provodi reviziju finansijskih izvještaja i reviziju usklađenosti. Revizija finansijskih izvještaja i revizija usklađenosti podrazumijevaju proces objektivnog prikupljanja i procjenjivanja dokaza kako bi se utvrdilo da li su predmeti revizije, tj. finansijski izvještaji, kao i aktivnosti, finansijske transakcije i informacije, usklađeni s odgovarajućim kriterijima koji su sadržani u zakonima i drugim propisima. Kriteriji predstavljaju poredbene parametre koji se koriste kako bi se dala ocjena predmeta revizije.

Za obavljanje finansijske revizije korišteni su sljedeći kriteriji:

- Zakon o budžetima u FBiH;
 - Uredba o računovodstvu budžeta u FBiH;
 - Pravilnik o knjigovodstvu budžeta u FBiH;
 - Pravilnik o finansijskom izvještavanju i godišnjem obračunu budžeta u FBiH;
- Zakon o izvršavanju Budžeta FBiH za 2025. godinu;
- Budžet FBiH za 2025. godinu;
- Zakon o računovodstvu i reviziji u FBiH;
- Zakon o trezoru u FBiH;
- Zakon o finansijskom upravljanju i kontroli u javnom sektoru u FBiH;
- Zakon o internoj reviziji u javnom sektoru u FBiH;
- Zakon o državnoj službi u FBiH, član 33;
- Zakon o namještenicima u organima državne službe u FBiH, član 34;
- Zakon o plaćama i naknadama u organima vlasti FBiH;
- Zakon o pravima izabраних dužnosnika, nosilaca izvršnih funkcija i savjetnika u institucijama vlasti FBiH;
- Zakon o porezu na dohodak, član 10;
- Zakon o doprinosima, član 11;
- Zakon o javnim nabavkama;
- Zakon o Vladi FBiH;
- Uredba o Generalnom sekretarijatu Vlade Federacije Bosne i Hercegovine;
- Poslovnik o radu Vlade FBiH;
kao i drugi podzakonski akti navedenih zakona.

IV. IZVJEŠTAJ O REVIZIJI

1. UVOD

Generalni sekretarijat je stručna služba Vlade FBiH koja, u skladu s Uredbom o Generalnom sekretarijatu Vlade FBiH,² vrši stručne poslove za potrebe Vlade FBiH, radnih tijela Vlade FBiH, premijera Vlade FBiH, oba zamjenika premijera FBiH i članova Vlade FBiH.³

Radom Generalnog sekretarijata Vlade FBiH rukovodi sekretar Vlade FBiH, kojeg imenuje Vlada FBiH. Odredbama Poslovnika o radu Vlade FBiH⁴ propisano je da je sekretar Vlade FBiH naredbodavac za izvršavanje finansijskog plana Vlade FBiH i potpisuje akte koji su u djelokrugu poslova sekretara, a prema Zakonu o Vladi FBiH,⁵ sekretar Vlade FBiH usklađuje rad svih stručnih službi u obavljanju poslova za potrebe Vlade FBiH i odgovoran je za njihov rad.

Sredstva za rad Vlade FBiH, kao budžetskog korisnika, obezbjeđuju se u Budžetu FBiH, a u okviru njih su i sredstva za rad Generalnog sekretarijata.

Unutrašnja organizacija i način rada, te opis radnih mjesta državnih službenika i namještenika utvrđeni su Pravilnikom o unutrašnjoj organizaciji Generalnog sekretarijata.⁶ Sistematizovano je 82 radna mjesta (66 državnih službenika, 16 namještenika). Budžetom je planirano 70, a na 31. 12. 2025. godine bilo je 48 zaposlenih.

Sekretarka je Edita Kalajdžić, imenovana u januaru 2012. godine.

Sjedište Generalnog sekretarijata je u Sarajevu, u Ulici Hamdije Čemerlića broj 2, a Područni ured nalazi se u Mostaru.

2. PREDMET, CILJ I OBIM REVIZIJE

Predmet revizije su finansijski izvještaji budžetskog korisnika Vlade FBiH (Generalnog sekretarijata) za 2025. godinu i usklađenost aktivnosti, finansijskih transakcija i informacija s relevantnim zakonima i drugim propisima.

Cilj je da se izrazi mišljenje o tome jesu li finansijski izvještaji pouzdani i da li bilansi u potpunosti odražavaju rezultate izvršenja budžeta. Revizijom će se procijeniti primjenjuje li rukovodstvo institucije zakone i propise i koristi li sredstva za odgovarajuće namjene, te ocijeniti finansijsko upravljanje, sistem internih kontrola i funkcija interne revizije.

Revizija je obavljena u skladu s internim planskim dokumentima, s prekidima u periodu od novembra 2025. do maja 2026. godine.

S obzirom na to da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, pojedine materijalno značajne greške mogu ostati neotkrivene.

3. PRAĆENJE PRIMJENE PREPORUKA I ANALIZA PREDUZETIH MJERA

Ured za reviziju institucija u FBiH (u daljnjem tekstu: Ured za reviziju) izvršio je finansijsku reviziju Generalnog sekretarijata za 2024. godinu, sačinio Izvještaj o izvršenoj reviziji i dao pozitivno mišljenje o finansijskim izvještajima i pozitivno mišljenje o usklađenosti poslovanja sa zakonskim i ostalim propisima. U Izvještaju su date preporuke s ciljem otklanjanja uočenih propusta i nedostataka.

² „Sl. novine FBiH“ br. 13/17 – prečišćeni tekst, 19/20, 85/22 i 21/25

³ Uredbom o Uredu premijera/predsjednika Vlade i ureda dva zamjenika premijera/predsjednika Vlade Federacije Bosne i Hercegovine, koja je donesena na sjednici Vlade Federacije BiH 19. 11. 2024. godine osnovan je navedeni ured kao samostalna stručna služba Vlade FBiH („Sl. novine FBiH“, br. 93/24 i 21/25).

⁴ „Sl. novine FBiH“ br. 59/10 – prečišćeni tekst, 62/10 i 39/20

⁵ „Sl. novine FBiH“ br. 1/94, 8/95, 58/02, 19/03, 2/06 i 8/06

⁶ 08-30-31/2023 od 16. 1. 2023. godine, 08-30-31-1/2023 od 19. 6. 2023. godine i 08-30-31-2/2023 od 15. 5. 2025. godine

Generalni sekretarijat je postupio u skladu s članom 16. tačka 3. Zakona o reviziji institucija u FBiH i obavijestio o preduzetim radnjama s ciljem prevazilaženja nepravilnosti identifikovanih u revizorskom izvještaju. Revizijom je konstatovano da su preduzete odgovarajuće mjere, u skladu s planiranim aktivnostima.

Uvidom u preduzete aktivnosti i analizom realizacije datih preporuka utvrdili smo sljedeće:

Djelimično realizovane preporuke

1.	Generalni sekretarijat se obratio Federalnom ministarstvu finansija za postupanje po preporuci za usklađivanje naziva budžetskog korisnika kojem se sredstva odobravaju u okviru glave budžeta 1201. Dostavljeno je mišljenje 12. 5. 2025. godine kojim je navedeno da Generalni sekretarijat vrši stručne poslove za potrebe Vlade i radnih tijela i da nema svojstvo pravne osobe, te u skladu sa Pravilnikom o utvrđivanju i načinu vođenja registra budžetskih korisnika budžeta u FBiH ne može biti uvršten u Registar budžetskih korisnika FBiH. Međutim, data preporuka se odnosila na usklađivanje naziva postojećeg budžetskog korisnika (Vlada FBiH) sa stvarnim korisnikom (Generalni sekretarijat Vlade FBiH), a ne na registrovanje novog pravnog lica.
----	--

Nakon izvršene revizije za 2025. godinu date su tri preporuke, dvije nove i jedna ponovljena preporuka koja je već data u Izvještaju o finansijskoj reviziji za 2024. godinu.

4. SISTEM INTERNIH KONTROLA

Cilj sistema internih kontrola je da osigura razumno uvjerenje da Generalni sekretarijat u poslovanju upravlja javnim sredstvima zakonito, transparentno, ekonomično, efikasno i efektivno, odnosno da interne kontrole funkcionišu u skladu s važećom regulativom.

Finansijsko upravljanje i kontrola

Finansijsko upravljanje i kontrola je sveobuhvatan sistem internih kontrola koji uspostavljaju i za koji su odgovorni rukovodioci korisnika javnih sredstava, a kojim se upravljajući rizicima osigurava razumno uvjerenje da će se u ostvarivanju ciljeva budžetska i druga sredstva koristiti pravilno, ekonomično, efikasno i efektivno. Zakon o finansijskom upravljanju i kontroli u javnom sektoru u FBiH⁷ i Pravilnik o provođenju finansijskog upravljanja i kontrole u javnom sektoru u FBiH⁸ nalažu uspostavljanje, vođenje i procjenu sistema internih kontrola na osnovu COSO modela.

Sekretarka Vlade FBiH odgovorna je za uspostavljanje funkcionalnog sistema interne kontrole, u skladu s propisima koji to regulišu, kao i za uspostavljanje, razvoj i implementaciju odgovarajućeg, efikasnog, efektivnog i ekonomičnog finansijskog upravljanja i kontrola u instituciji, te da se ciljevi korisnika javnih sredstava ostvaruju upravljanjem tim sredstvima na zakonit, ekonomičan, efikasan i efektivan način. Prema odredbama člana 21. i 22. Zakona o Vladi FBiH, za obavljanje određenih stručnih i drugih poslova za svoje potrebe Vlada FBiH obrazuje Stručnu službu Vlade FBiH, Ured za zakonodavstvo i druge samostalne stručne službe, a sekretar Vlade FBiH usklađuje rad svih stručnih službi u obavljanju poslova za potrebe Vlade i odgovoran je za njihov rad. Aktom o obrazovanju službe utvrđuje se njen djelokrug, položaj i odgovornost funkcionera koji rukovodi tom službom, a može se, ako priroda zadataka službe to zahtijeva, odrediti da određena služba ima svojstvo pravnog lica.

Generalni sekretarijat je stručna služba Vlade FBiH, koja nema svojstvo pravnog lica, čiji su djelokrug i osnove uređene Uredbom o Generalnom sekretarijatu Vlade FBiH.⁹ Prema članu 8. ove Uredbe, radom Generalnog sekretarijata rukovodi sekretar Vlade FBiH koji u pogledu rukovođenja ima prava i dužnosti rukovodioca samostalne federalne uprave, odnosno samostalne federalne upravne organizacije.

⁷ „Sl. novine FBiH“, br. 38/16

⁸ „Sl. novine FBiH“, br. 6/17 i 3/19

⁹ „Sl. novine FBiH“, br.13/17, 19/20 i 85/22



Revizijom je utvrđeno da se u službenim aktima koriste različiti termini za ovog budžetskog korisnika, kao što su: „Vlada Federacije BiH“ ili „Generalni sekretarijat Vlade FBiH“. Također, odlukama Vlade FBiH odobravaju se sredstva tekuće rezerve Vlade FBiH ili tekućih transfera, za realizaciju Generalnom sekretarijatu Vlade FBiH na glavi 1201 pod kojim se vodi budžetski korisnik „Vlada FBiH“. Navedeno ima za posljedicu da se sredstva odobravaju budžetskom korisniku koji se ne vodi pod tim nazivom. Vlada FBiH je izvršni organ vlasti čije su nadležnosti utvrđene Ustavom FBiH i potrebno ju je razlikovati od Vlade FBiH kao budžetskog korisnika na razdjelu 12 glava 1201 u okviru kojeg se osiguravaju finansijska sredstva za rad Generalnog sekretarijata. Cilj navedenog je da se jasnije definiše naziv i status Generalnog sekretarijata, što bi značilo i jasnije definisanje njegove nadležnosti i odgovornosti.

Generalni sekretarijat se obratio Federalnom ministarstvu finansija za postupanje po preporuci za usklađivanje naziva budžetskog korisnika kojem se sredstva odobravaju u okviru glave budžeta 1201. Dostavljeno je mišljenje 12. 5. 2025. godine kojim je navedeno da Generalni sekretarijat vrši stručne poslove za potrebe Vlade i radnih tijela i da nema svojstvo pravne osobe. Shodno navedenom, te da trenutno ne ispunjava uslove iz članova 4. i 7. Pravilnika o utvrđivanju i načinu vođenja registra budžetskih korisnika budžeta u FBiH, ne može biti uvršten u Registar budžetskih korisnika FBiH.

S obzirom na navedeno, ne možemo potvrditi da je Registrom budžetskih korisnika FBiH definisan precizan naziv korisnika sredstava na razdjelu 1201.

U 2023. godini Pravilnikom o unutrašnjoj organizaciji Generalnog sekretarijata sistematizovana je Jedinica za koordinaciju korporativnog nadzora nad privrednim društvima sa učešćem državnog kapitala FBiH. U Jedinici su sistematizovana četiri radna mjesta (načelnik i tri stručna savjetnika), a popunjeno je jedno radno mjesto (stručni savjetnik). Uvidom u izvještaj o radu Generalnog sekretarijata za 2025. godinu konstatovano je da jedinica nije bila kadrovski kapacitirana i vršila je prikupljanje podataka, obrazloženje koje je dato i u prethodnoj godini, stoga je konstatovano da jedinica još uvijek nije efektivno počela raditi. Međutim, bez formiranja korespondirajuće jedinice u Federalnom ministarstvu finansija, sa kojom treba da saraduje jedinica u Generalnom sekretarijatu, navedena jedinica ne može profunkcionirati u punom kapacitetu. Inače, u skladu sa Uredbom o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine, sve materijale za Vladu Federacije Bosne i Hercegovine u vezi sa privrednim društvima sa učešćem državnog kapitala iz nadležnosti Federacije Bosne i Hercegovine pripremaju resorna ministarstva.

Poslovima koordiniranja razvoja finansijskog upravljanja i kontrole upravlja koordinatorski, koji je ujedno i pomoćnik sekretarke u Sektoru za informatiku. U skladu sa Zaključkom Vlade FBiH od 25. 6. 2025. godine, ažurirana je mapa poslovnih procesa i registar rizika, te je izvršen unos podataka u aplikaciju PIFC (Modul za finansijsko upravljanje i kontrolu). Također, sačinjen je i Izvještaj o realizaciji plana za razvoj finansijskog upravljanja i kontrole za 2025. godinu i Plan za razvoj finansijskog upravljanja i kontrole za 2026. godinu u skladu sa izmjenama i dopunama Pravilnika o provođenju finansijskog upravljanja i kontrole u javnom sektoru u FBiH.

Godišnji izvještaj o funkcionisanju sistema finansijskog upravljanja i kontrole za 2025. godinu dostavljen je Centralnoj harmonizacijskoj jedinici Federalnog ministarstva finansija u zakonskom roku. U Izvještaju su navedene mjere koje se planiraju poduzeti za daljnji razvoj finansijskog upravljanja i kontrole po COSO komponentama.

Generalni sekretarijat je poduzeo aktivnosti na uspostavi finansijskog upravljanja i kontrole u skladu sa Zakonom o finansijskom upravljanju i kontroli u javnom sektoru u FBiH.

Preporuka:

- **izmijeniti naziv budžetskog korisnika na razdjelu 12 glava 1201 u registru budžetskih korisnika s ciljem jasnijeg definisanja korisnika budžetskih sredstava.**



Izjava o fiskalnoj odgovornosti Generalnog sekretarijata sačinjena je i dostavljena Federalnom ministarstvu finansija u skladu s članom 2. i 6. Pravilnika o obliku i sadržaju, načinu popunjavanja i predaje izjave o fiskalnoj odgovornosti.

Interna revizija

U skladu sa Zakonom o internoj reviziji u javnom sektoru u FBiH¹⁰ i Pravilnikom o kriterijima za uspostavljanje jedinica za internu reviziju u javnom sektoru u FBiH¹¹ Generalni sekretarijat je obavezan da uspostavi jedinicu za internu reviziju. Pravilnikom o unutrašnjoj organizaciju sistematizovana je Jedinica za internu reviziju, sa četiri radna mjesta, od čega su dva popunjena (dva stručna savjetnika - interna revizora).¹² Zbog nepopunjenosti sistematizovanog mjesta načelnika jedinice rješenjem o ovlaštenju stručni saradnik – interni revizor je ovlašten da priprema i izrađuje strateške i godišnje planove interne revizije, izvještaje interne revizije i druge obaveze i odgovornosti iz člana 14. stav 1 Zakona o internoj reviziji u javnom sektoru u FBiH.

Godišnjim planom rada planirano je i provedeno pet revizija. U Generalnom sekretarijatu predmet revizije bili su: upravljanje ljudskim resursima/program stručnog obrazovanja državnih službenika i namještenika, tekući transferi – proces dodjele budžetskih sredstava, tekuće rezerve Vlade FBiH, planiranje Budžeta i praćenje realizacije Budžeta. Usklađenost rashoda i procesi javnih nabavki bili su predmet revizije u Uredu Vlade za zakonodavstvo i usklađenost sa propisima EU, kao i Ureda za odnose sa javnošću. Izvršenim revizijama Generalnog sekretarijata interna revizija je konstatovala da je uspostavljen adekvatan sistem internih kontrola, te su date dvije preporuke od kojih je jedna realizovana, a druga u toku. Godišnji izvještaj interne revizije za 2025. dostavljen je Centralnoj harmonizacijskoj jedinici Federalnog ministarstva finansija 26. 2. 2026. godine.

Iako su popunjena dva radna mjesta u Jedinici interne revizije, sekretarka je datim ovlaštenjem internom revizoru osigurala razdvajanje dužnosti. Međutim, interna revizija nije uspostavljena u skladu sa Zakonom o internoj reviziji u javnom sektoru u FBiH jer nije imenovan rukovodilac interne revizije.

Preporuka:

- **uspostaviti funkcionalnu internu reviziju u skladu sa Zakonom o internoj reviziji u javnom sektoru u FBiH.**

Prevenција korupcije

Generalni sekretarijat je u 2023. godini donio Plan integriteta. Izvještaj o provedbi Plana integriteta za 2025. je 26. 2. 2026. godine dostavljen Antikorupcionom timu Vlade FBiH.

5. PLANIRANJE I IZVJEŠTAVANJE

5.1 IZRADA I DONOŠENJE BUDŽETA I PLANA RADA

Budžetom FBiH za 2025. godinu¹³ Generalnom sekretarijatu su odobrena sredstva u iznosu od 64.732.662 KM, što je u odnosu na zahtjev uvećano za 4.751.157 KM.

U toku godine odobrene su dvije preraspodjele sredstava i to odlukom o preraspodjeli sredstava iz Budžeta FBiH za 2025. godinu sa razdjela Ureda premijera/predsjednika Vlade i ureda dva zamjenika premijera/predsjednika Vlade FBiH prebačen je iznos od 688.600 KM na razdjel Vlade FBiH¹⁴ i rješenjem o unutrašnjoj preraspodjeli sredstava iz decembra u iznosu od 20.000 KM na teret putnih troškova u korist ugovorenih i drugih posebnih usluga.

¹⁰ „Sl. novine FBiH“, br. 47/08 i 101/16

¹¹ „Sl. novine FBiH“, br. 49/20

¹² Utvrđeni koeficijenti za rukovodioca jedinice 5,2 i za stručne savjetnike -interne revizore 5,2

¹³ „Sl. novine FBiH“, br. 7/25

¹⁴ „Sl. novine FBiH“, br. 36/25



Prema analizi, ukupno raspoloživa sredstva Generalnog sekretarijata za 2025. godinu iznosila su 63.435.586 KM, dok je realizovano 61.717.738 KM.

U skladu s članom 53. stav 2. Zakona o budžetima u FBiH, sačinjeni su prijedlozi operativnih planova i dostavljeni Federalnom ministarstvu finansija.

Godišnji plan rada Generalnog sekretarijata za 2025. sekretarka je donijela 15. 1. 2025. godine.

5.2 IZVJEŠTAVANJE

Generalni sekretarijat je 12. 1. 2026. godine dostavio Vladi FBiH Izvještaj o radu za 2025., koji je Vlada FBiH usvojila 9. 4. 2026. godine.

5.3 ODOBRAVANJE I IZVJEŠTAVANJE O UTROŠKU SREDSTAVA TEKUĆE REZERVE VLADE FBIH

Budžetom **Generalnog sekretarijata** za 2025. godinu planirana su sredstva tekuće rezerve Vlade FBiH u iznosu od 5.000.000 KM. **Skrećemo pažnju na neusklađenost zakonskih propisa u dijelu koji se odnosi na definisanje namjene ovih sredstava.** Naime, odredbama člana 60. Zakona o budžetima u FBiH propisano je da se planirana sredstva tekuće rezerve koriste za nepredviđene namjene, za koje nisu planirana sredstva, ili za namjene za koje se tokom godine pokaže da za njih nisu utvrđena dovoljna sredstva jer ih pri planiranju budžeta nije bilo moguće predvidjeti. Međutim, članom 10. Zakona o izvršavanju budžeta FBiH za 2025. godinu propisane su iste odredbe, uz dodatak teksta koji glasi: „te u drugim slučajevima kada o tome odluči Vlada.“

Navedeno je rezultiralo korištenjem sredstava tekuće rezerve za svrhe za koje budžetom nisu bila planirana sredstva ili za namjene za koje se tokom godine pokazalo da raspoloživa sredstva nisu dovoljna u skladu sa Zakonom o budžetima u FBiH, kao i u drugim slučajevima kada je o tome odlučila Vlada FBiH, kako je propisano Zakonom o izvršavanju Budžeta FBiH za 2025. godinu.

Korištenje sredstava tekuće rezerve odobrava Vlada FBiH, na prijedlog Federalnog ministarstva finansija, u skladu s članom 61. Zakona o budžetima u FBiH i članom 11. Zakona o izvršavanju Budžeta FBiH za 2025. godinu. Postupak dodjele ovih sredstava definisan je Odlukom o procedurama za dodjelu sredstava iz tekuće rezerve Budžeta FBiH.¹⁵ U skladu sa utvrđenim procedurama, budžetski korisnici podnose zahtjev Federalnom ministarstvu finansija, koje vrši procjenu opravdanosti zahtjeva i mogućnost odobravanja traženih sredstava. Ukoliko se zahtjev ocijeni opravdanim, Federalno ministarstvo finansija priprema prijedlog odluke o odobravanju sredstava i upućuje ga Vladi FBiH na razmatranje i usvajanje. Nadalje, budžetski korisnici su obavezni osigurati zakonito i namjensko trošenje dodijeljenih sredstava, te Federalnom ministarstvu finansija dostaviti pisani izvještaj o njihovom utrošku, uključujući i obrazloženje eventualno neutrošenih sredstava.

Federalno ministarstvo finansija je 6. 2. 2026. godine sačinilo i dostavilo Vladi FBiH izvještaj o odobravanju izdvajanja sredstava iz tekuće rezerve za 2025. godinu na propisanim obrascima sa tekstualnim obrazloženjem. **Vlada FBiH je 8. 4. 2026. godine usvojila izvještaj o odobravanju izdvajanja finansijskih sredstava iz tekuće rezerve Vlade FBiH za period od 1. 1. do 31. 12. 2025. godine i dostavila ga na razmatranje i usvajanje Parlamentu FBiH.**

Sredstva tekuće rezerve se realizuju putem tekućih transfera, čije je izvršenje detaljnije obrazloženo u okviru tačke 6.1.1.3 Izvještaja.

6. FINANSIJSKI IZVJEŠTAJI

Generalni sekretarijat je sačinio Godišnje finansijske izvještaje za 2025. za Vladu FBiH i dostavio ih nadležnim organima i institucijama u skladu s važećim propisima i u utvrđenom roku.

¹⁵ "Sl. novine FBiH", br. 106/14, 24/25



U Analizi iskaza, sačinjenoj uz godišnje računovodstvene izvještaje, obrazloženo je izvršenje budžeta u skladu s Pravilnikom o finansijskom izvještavanju i godišnjem obračunu budžeta u FBiH.

Periodični finansijski izvještaji sačinjeni su i dostavljeni Federalnom ministarstvu finansija u skladu sa odredbama Pravilnika o finansijskom izvještavanju i godišnjem obračunu budžeta u FBiH.

6.1 GODIŠNJI IZVJEŠTAJ O IZVRŠENJU BUDŽETA

6.1.1 Rashodi, izdaci i finansiranje

U Godišnjem izvještaju o izvršenju budžeta za 2025. godinu iskazani su rashodi i izdaci u iznosu od 61.717.738 KM što u odnosu na odobreni budžet od 64.732.662 KM predstavlja realizaciju od 95%.

6.1.1.1 Plaće i naknade troškova zaposlenih

Bruto plaće i naknade plaća iskazane su u iznosu od 2.308.436 KM. Izvršili smo uvid u obračun plaća i naknada plaća zaposlenih za februar, juli i decembar 2025. godine.

Obračun plaća i naknada regulisan je Zakonom o plaćama i naknadama u organima vlasti FBiH¹⁶, Kolektivnim ugovorom za službenike organa uprave i sudske vlasti u FBiH¹⁷ i Pravilnikom o plaćama, naknadama plaće i drugim materijalnim pravima u Generalnom sekretarijatu.¹⁸ U Generalnom sekretarijatu, pored obračuna plaća i naknada za državne službenike i namještenike, vršio se obračun plaća i naknada plaća za premijera Vlade FBiH i dva zamjenika premijera, njihove savjetnike, kao i za zamjenike premijera i savjetnike zaključno sa aprilom 2025. godine. Revizijom je konstatovano da se obračun plaća vršio u skladu sa navedenim aktima.

Radno vrijeme Generalnog sekretarijata je usklađeno sa Zakonom o radu¹⁹ i Odlukom o radnom vremenu u federalnim organima državne službe,²⁰ a evidencije o radnom vremenu vode se u skladu sa Pravilnikom o sadržaju i načinu vođenja evidencije o radnicima i drugim licima angažovanim na radu.²¹

U toku 2025. godine radni odnos su zasnovala četiri zaposlenika, a za 30 zaposlenika je prestao radni odnos.²²

Ocjenjivanje državnih službenika i namještenika izvršeno je u skladu sa odredbama Zakona o državnoj službi u FBiH,²³ Zakona o namještenicima u organima državne službe u FBiH²⁴ i Pravilnika o ocjenjivanju rada državnih službenika u organima državne službe u FBiH.²⁵

Naknade troškova zaposlenih iskazane su u iznosu od 362.254 KM, a najvećim dijelom odnose se na: topli obrok (188.351 KM), naknade za prevoz na posao i sa posla (46.400 KM), regres za godišnji odmor (38.625 KM), pomoć u slučaju smrti (35.296 KM), otpremnine zbog odlaska u penziju (22.880 KM) i naknade za zakup stana i troškove smještaja (10.961 KM).

Uvidom u dokumentaciju za pojedine vrste naknada konstatovano je da su obračuni i isplata naknada troškova zaposlenih vršeni u skladu s podzakonskim aktima koji ih regulišu.

¹⁶ „Sl. novine FBiH“, br. 45/10 i 111/12, 20/17, 22/19 i 74/23

¹⁷ Sl. novine FBiH“, br. 98/23 i 46/25

¹⁸ Pravilnik o plaćama, naknadama plaće i drugim materijalnim pravima u Generalnom sekretarijatu iz 2023, 2024 i 2025. godine

¹⁹ „Sl. novine FBiH“, br. 26/16, 89/18, 23/20, 49/21, 44/22 i 39/24

²⁰ „Sl. novine FBiH“, br. 17/06 i 93/15

²¹ „Sl. novine FBiH“, br. 92/16

²² Sporazumom o preuzimanju savjetnika, državnih službenika i namještenika iz Generalnog sekretarijata Vlade FBiH u Ured premijera/predsjednika Vlade FBiH i ureda dva zamjenika premijera/predsjednika Vlade FBiH od 18. 4. 2025. godine, radni odnos prestaje u Generalnom sekretarijatu za 25 zaposlenika sa 30. 4. 2025. godine.

²³ „Sl. novine FBiH“, br. 29/03, 23/04, 39/04, 54/04, 67/05, 8/06, 77/06, 34/10, 45/10, 4/12, 99/15 i 9/17

²⁴ „Sl. novine FBiH“, br. 49/05, 45/10 i 103/21

²⁵ „Sl. novine FBiH“, br. 30/20



6.1.1.2 Izdaci za materijal, sitan inventar i usluge

Izdaci za materijal, sitan inventar i usluge iskazani su u iznosu od 548.619 KM.

Ugovorene i druge posebne usluge iskazane su u iznosu od 365.338 KM i najvećim dijelom odnose se na: izdatke za rad komisija (206.672 KM), ostale izdatke za druge samostalne djelatnosti i povremeni samostalni rad (31.471 KM) i usluge objavljivanja tendera i oglasa (10.522 KM).

Izdaci za rad komisija iskazani su u iznosu od 206.672 KM i najvećim dijelom se odnose na: Komisiju za administrativna pitanja Vlade FBiH (43.142 KM), Komisiju za vođenje drugostepenog disciplinskog postupka za namještenike federalnih organa državne službe (25.752 KM), Komisiju za izbor i imenovanje članova nadzornih odbora u privrednim društvima sa učešćem državnog kapitala u kojima nadležnosti Federacije vrši Vlada FBiH (25.382 KM), Komisiju za rješavanje statusnih pitanja članova Vlade FBiH i njihovih savjetnika (22.866 KM), Interresornu radnu grupu Vlade FBiH za izradu i provođenje akcionog plana za prevenciju i borbu protiv terorizma u FBiH (17.020 KM) i Komisiju za provođenje postupka javne nabavke roba, usluga i radova u 2025. godini (16.872 KM).

Izveštaji radnih tijela i zapisnici sa održanih sastanaka sadrže podatke u skladu sa Uredbom o načinu osnivanja i utvrđivanja visine naknade za rad radnih tijela osnovanih od strane Vlade FBiH i rukovodilaca federalnih organa državne službe.²⁶

Obračun i isplata naknada za rad imenovanim zaposlenicima u komisijama nije imao tretman prihoda od nesamostalne djelatnosti kako je propisano Zakonom o porezu na dohodak,²⁷ Pravilnikom o primjeni Zakona o porezu na dohodak,²⁸ Zakonom o doprinosima²⁹ i Pravilnikom o načinu obračunavanja i uplate doprinosa³⁰ zbog stava Federalnog ministarstva finansija i zato što nisu osigurani preduslovi za obračun poreza i doprinosa. Zbog ograničenja postojeće aplikacije za obračun plaća i naknada u Trezoru FBiH nisu obračunati i uplaćeni propisani porez i doprinosi.

Ostali izdaci za druge samostalne djelatnosti i povremeni samostalni rad iskazani su u iznosu od 31.471 KM i odnose se na angažman jednog izvršioca po osnovu ugovora u iznosu od 4.488 KM, dok se preostali iznos od 26.983 KM odnosi na poslove provođenja postupka prestanka rada Federalnog fonda za pomoć nastradalim područjima od prirodne nesreće na teritoriji FBiH.³¹ Uvidom u dokumentaciju, konstatovano je da su naknade isplaćene u skladu sa odredbama zaključenog ugovora, kao i Odlukom o imenovanju lica za provođenje postupka prestanka rada Federalnog fonda za pomoć nastradalim područjima od prirodne nesreće na teritoriji FBiH.

Također, obavljenom revizijom konstatovano je da se realizacija uzorkovanih nabavki roba i usluga u okviru izdataka za materijal, sitan inventar i usluge vršila na osnovu prethodno zaključenih ugovora sa dobavljačima, te u skladu sa definisanim odredbama.

6.1.1.3 Tekući transferi i drugi tekući rashodi

Tekući transferi i drugi tekući rashodi iskazani su u iznosu od 58.111.665 KM, a realizacija transfera je izvršena na sljedeći način:

Red. Br.	Vrsta transfera i drugi rashodi	Naziv transfera	Odobreno budžetom	Realizovano na 31. 12. 2025.
1.1.	Tekući transferi drugim nivoima vlasti i fondovima	Finansijska pomoć za gradove i općine za sanaciju šteta uzrokovanih poplavama	50.000.000	50.000.000
1.2.		Sportske igre mladih	350.000	350.000
1.3.		Tekuća rezerva Vlade FBiH	-	450.000
2.1.		Za političke stranke i koalicije	5.000.000	5.000.000

²⁶ „Sl. novine FBiH“, br. 48/14, 77/14, 97/14, 58/15, 57/23 i 28/24

²⁷ „Sl. novine FBiH“, br. 10/08, 9/10, 44/11, 7/13 i 65/13

²⁸ „Sl. novine FBiH“ br. 48/21, 77/21, 20/22, 57/22, 5/23, 85/23, 97/23, 36/24, 57/24, 101/24, 11/25, 22/25, 33/25, 43/25, 60/25, 09/26 i 12/26

²⁹ „Sl. novine FBiH“, br. 35/98, 54/00, 16/01, 37/01, 1/02, 17/06, 14/08, 91/15, 104/16, 34/18, 99/19, 4/21, 6/23, 28/23 i 33/25

³⁰ „Sl. novine FBiH“, br. 64/08, 81/08, 98/15, 6/17, 38/17, 39/18, 12/21, 6/22, 19/23 i 48/25

³¹ Odluke o imenovanju lica za provođenje postupka prestanka rada Federalnog fonda za pomoć nastradalim područjima od prirodne nesreće na teritoriji FBiH V.broj 830/18, te izmjene Odluke V.broj 1223/18, 72/19, 601/19 i 1118/19



Red. Br.	Vrsta transfera i drugi rashodi	Naziv transfera	Odobreno budžetom	Realizovano na 31. 12. 2025.
2.2.	Tekući transferi neprofitnim organizacijama	Tekuća rezerva Vlade FBiH	-	2.027.000
3.1.	Drugi tekući	Tekuća rezerva Vlade FBiH	-	250.000
3.2.	rashodi	Izvršenje presuda i rješenja o izvršenju	50.000	34.665
	Ukupno		55.400.000	58.111.665

Tekući transfer drugim nivoima vlasti i fondovima - Finansijska pomoć za gradove i općine za sanaciju šteta uzrokovanih poplavama odobren je Generalnom sekretarijatu u iznosu od 50.000.000 KM, u svrhu sanacije šteta nastalih u novembru 2024. godine za šest gradova/općina. Raspodjela sredstava izvršena je na osnovu Odluke o utvrđivanju kriterija za raspodjelu sredstava utvrđenih Budžetom FBiH za 2025. godinu od 17. 7. 2025. godine, koja je sačinjena na osnovu prijedloga Interresorne radne grupe za utvrđivanje kriterija za raspodjelu sredstava koju je imenovala Vlada FBiH.³²

Općim kriterijima su definisani pravo učešća za jedinice lokalne samouprave (gradovi/općine) na područjima na kojima su nastale štete kao posljedica prirodne nesreće uzrokovane poplavama i klizištima iz oktobra 2024. godine, u skladu s objavljenom preliminarnom procjenom šteta od strane Komisije za procjenu šteta od prirodnih i drugih nesreća. Interresorna grupa je utvrdila posebne kriterije koji nisu bili jasno definisani i mjerljivi:

- broj domaćinstava pogođenih poplavama – bez utvrđenog bodovanja prema nivou pogođenost: uništeni, oštećeni ili samo ograničen pristup domaćinstvima;
- broj oštećenih stambenih, poslovnih i ostalih objekata – nije utvrđeno bodovanje na osnovu broja stanovnika ili uposlenika korisnika tih objekata;
- dužina oštećene lokalne cestovne infrastrukture i mostova – nije precizno definisana mjera za iskazivanje oštećene površine niti iznosi odštete;
- zahvaćena površina lokalnih riječnih korita i kanala - nije precizno definisana mjera za iskazivanje oštećene površine kako bi podaci bili uporedivi;
- visina procijenjene preliminarne finansijske vrijednosti štete na ostaloj javno-komunalnoj infrastrukturi koja se dokazuje izvještajem gradske/općinske Komisije za procjenu šteta od prirodnih i drugih nesreća, a u skladu s Uredbom o jedinstvenoj metodologiji za procjenu šteta od prirodnih i drugih nesreća³³ – u procjenama gradskih/općinskih Komisija, u ovom dijelu su ponovo uključene ceste i mostovi, riječna korita i kanali.

Nije prezentovan osnov za definisanje posebnih kriterija, niti dokumentacija za vrednovanje.

Vlada FBiH je usvojila Odluku o utvrđivanju kriterija za raspodjelu sredstava za finansijsku pomoć za gradove i općine za sanaciju šteta uzrokovanih poplavama na prijedlog Interresorne radne grupe. Općim kriterijima su utvrđene lokalne zajednice sa pravom učešća u raspodjeli sredstava. Međutim, nije prezentovano na osnovu čega je Interresorna radna grupa definisala posebne kriterije za raspodjelu sredstava. Također, utvrđeni posebni kriteriji nisu mjerljivi, s obzirom na to da nije precizirano koja dokazna dokumentacija služi za njihovo vrednovanje. Pored toga, nisu definisani jedinstveni načini iskazivanja jedinica mjere za oštećene površine, zbog čega su podaci dostavljeni od gradova i općina bili neuporedivi, što je imalo za posljedicu neobjektivno ocjenjivanje kriterija i netransparentnu raspodjelu sredstava. Navedeno nije u skladu sa Smjernicama o minimalnim standardima dodjele budžetskih sredstava putem transfera i subvencija u FBiH.

³² Rješenje o imenovanju V. broj 281/2025 od 13. 3. 2025. i V. broj 663/2025 od 11. 4. 2025. godine u sljedećem sastavu: predstavnik Ureda premijera FBiH, predsjednik i članovi predstavnici: Kabineta zamjenika premijera FBiH i federalnog ministra finansija, Kabineta zamjenika premijera FBiH i federalnog ministra razvoja, poduzetništva i obrta, Federalnog ministarstva raseljenih osoba i izbjeglica, Federalnog ministarstva prometa i komunikacija. Stručne i administrativno-tehničke poslove za potrebe radne grupe obavlja predstavnik Generalnog sekretarijata.

³³ "Sl. novine FBiH", br. 75/04, 38/06, 52/09, 56/09 i 36/14

Nadalje, Vlada FBiH je 30. 7. 2025. godine imenovala posebnu Komisiju za provođenje postupka dodjele sredstava³⁴ sa zadatkom da, u skladu s Odlukom o utvrđivanju kriterija za raspodjelu sredstava za finansijsku pomoć za gradove i općine za sanaciju šteta uzrokovanih poplavama obavijesti/pozove gradove i općine koje su proglasile stanje prirodne nesreće u oktobru 2024. godine, da podnesu zahtjeve za naknadu štete u skladu s procjenom šteta izvršenom od strane njihovih komisija, te da u roku od 30 dana od dana podnošenja zahtjeva izvrši ocjenu podnesenih zahtjeva, predloži način raspodjele i utvrdi prijedlog korisnika sredstava i da dostavi Vladi FBiH, putem Generalnog sekretarijata, prijedlog odluke o raspodjeli i dodjeli sredstava na razmatranje i usvajanje. Komisija za provođenje postupka dodjele sredstava je 20. 8. 2025. godine dostavila poziv za podnošenje zahtjeva za naknadu štete, a lokalne zajednice su dostavile svoje zahtjeve u predviđenom roku od sedam dana. Nakon što je komisija izvršila uvid u dostavljene zahtjeve i uvidjela razlike u načinu prezentovanja šteta dostavila je zahtjev za dodatne podatke općinama i gradovima. Zapisnicima komisije konstatovano je da su dostavljeni podaci u zahtjevima za naknadu šteta različito iskazani, kao i u dostavljenim elaboratima o procijenjenoj šteti od poplave koje se tiču visine preliminarne procijenjene finansijske vrijednosti štete na ostaloj javno-komunalnoj infrastrukturi, te je Komisija donijela zaključak da će koristiti podatke o visini procijenjene preliminarne finansijske vrijednosti štete na ostaloj javno-komunalnoj infrastrukturi na bazi Dopune Preliminarne Informacije o poduzetim aktivnostima na zaštiti i spašavanju ljudi i materijalnih dobara od poplava i klizišta u periodu od 4. do 16. 10. 2024. godine sa danom 20. 11. 2024. godine (u daljem tekstu: Informacija o poplavama i klizištima) koju je sačinila Federalna uprava civilne zaštite.³⁵ Za podatke koji se tiču broja domaćinstava pogođenih poplavama, dužine oštećene lokalne cestovne infrastrukture i mostova i zahvaćenih lokalnih riječnih korita i kanala, komisija je koristila dopune dostavljenih podataka korisnika. Primjenom uspostavljenih kriterija, komisija je izvršila bodovanje zahtjeva tako što je za svaku utvrđenu svrhu³⁶ odredila procentualno učešće općina/gradova u odnosu na ukupno iskazanu štetu. Navedeni način bodovanja komisija nije mogla primijeniti na obračun za zahvaćenu površinu riječnih korita i kanala s obzirom na to da su korisnici dostavili podatke u m², km ili hektarima te podaci nisu bili uporedivi.

Nakon što je komisija izvršila bodovanje za sve svrhe finansiranja posebno i utvrdila iznose po korisnicima, dostavljen je prijedlog Vladi FBiH za raspodjelu sredstava koji se razlikuje u iznosima od onih koji su dobijeni primjenom bodovanja komisije. Ovakav prijedlog za raspodjelu sredstava komisija je sačinila zbog toga što iznosi sredstava za raspodjelu po izvršenom bodovanju nisu odgovarali stvarnom stanju šteta na terenu i zbog toga što se nije moglo izvršiti bodovanje svih kriterija radi različitog prikazivanja dostavljenih podataka. Također, kada je u pitanju raspodjela sredstava u svrhu rekonstrukcije, sanacije i izgradnje putne infrastrukture način raspodjele i prijedlog komisije nije povezan sa utvrđivanjem bodova niti je jasno na koji način se odredio iznos po korisnicima s obzirom na to da se iznos šteta u općinskim/gradskim procjenama značajno razlikuje od iznosa u Informaciji o poplavama i klizištima.

Vlada FBiH je prihvatila prijedlog komisije i 7. 10. 2025. godine usvojila Odluku o raspodjeli i dodjeli sredstava utvrđenih Budžetom FBiH za 2025. godinu na poziciji "Tekući transferi drugim nivoima vlasti i fondovima - Finansijska pomoć za gradove i općine za sanaciju šteta uzrokovanih poplavama"³⁷ kojom su dodijeljena sredstva korisnicima za utvrđene namjene kako slijedi:

³⁴ V. broj 1242/2025 od 30. 7. 2025. u sljedećem sastavu: predstavnik Ureda Premijera FBiH, predsjednik i članovi predstavnici: Kabineta zamjenika premijera FBiH i federalnog ministra finansija, Kabineta zamjenika premijera FBiH i federalnog ministra razvoja, poduzetništva i obrta, Federalnog ministarstva prometa i komunikacija i Federalnog ministarstva raseljenih osoba i izbjeglica. Stručne i administrativno-tehničke poslove za potrebe Radne grupe obavlja predstavnik Generalnog sekretarijata.

³⁵ Informaciju koju je Vlada FBiH razmatrala 6. 11. 2024. godine i dopuna informacije koja je usvojena 22. 11. 2024. godine i dostavljena Parlamentu FBiH na upoznavanje

³⁶ Svrhe finansiranja: 1. štete i otežanog poslovanja privatnih privrednih subjekata u iznosu od 10.000.000 KM; 2. rekonstrukcije, sanacije i izgradnje prometne infrastrukture koja je kategorizirana kao magistralna ili regionalna u iznosu od 10.000.000 KM; 3. saniranje šteta pravnih osoba i građana, stambenim i ostalim objektima, realizacije projekata putne infrastrukture realizacije projekata putne infrastrukture (lokalni putevi, mostovi, potporni i zaštitni zidovi, sanacija klizišta, sprječavanje erozija i dr.), komunalne infrastrukture (vodovod i kanalizacija, javna rasvjeta, energetske i komunikacijske mreže, plinske i niskonaponske mreže i dr.) u iznosu od 30.000.000 KM

³⁷ Odluka br. V. broj 1581/2025 od 7.10. 2025. godine



Korisnik	1. saniranje šteta i otežano poslovanje privatnih privrednih subjekata		2. rekonstrukcija, sanacija i izgradnja prometne infrastrukture		3. saniranje šteta pravnih osoba i građana, stambenim i dr. objektima		Ukupno po korisniku
	Bodovanje komisije	Odobrena sredstva	Bodovanje komisije	Odobrena sredstva	Bodovanje komisije	Odobrena sredstva	
<i>Kreševo</i>	777.000	1.190.000	-	-	2.322.000	3.050.000	4.240.000
<i>Jablanica</i>	1.148.000	2.650.000	7.000.000	6.000.000	8.163.000	8.050.000	16.700.000
<i>Konjic</i>	5.031.000	2.050.000	-	3.000.000	8.244.000	8.850.000	13.900.000
<i>Mostar</i>	82.000	-	-	-	2.490.000	1.050.000	1.050.000
<i>Fojnica</i>	1.773.000	2.940.000	1.000.000	1.000.000	6.024.000	6.750.000	10.690.000
<i>Kiseljak</i>	1.186.000	1.170.000	-	-	2.700.000	2.250.000	3.420.000
Ukupno	9.997.000	10.000.000	8.000.000	10.000.000	29.943.000	30.000.000	50.000.000

Shodno navedenom, konstatovano je da Komisija za provođenje postupka dodjele sredstava, koju je imenovala Vlada FBiH, izvršila bodovanje na osnovu Odluke o utvrđivanju kriterija za raspodjelu sredstava za finansijsku pomoć za gradove i općine za sanaciju šteta uzrokovanih poplavama za raspodjelu sredstava. S obzirom na to da utvrđeni kriteriji nisu bili jasno definisani i mjerljivi, sačinjen je prijedlog raspodjele u kojem se odobrena sredstava po korisniku razlikuju od utvrđenog iznosa primjenom bodovanja, što nije u skladu s Smjernicama o minimalnim standardima dodjele budžetskih sredstava putem transfera i subvencija u FBiH.

Generalni sekretarijat je potpisao ugovore sa svim korisnicima 23. 10. 2025., a sredstva su doznačena općinama i gradovima 27. 10. 2025. godine. Dio dodijeljenih sredstava u iznosu od 10.000.000 KM za rekonstrukciju, sanaciju i izgradnju putne infrastrukture prebacuju Cestama FBiH i kantonalnim upravama za održavanje cesta.

Tekući transferi drugim nivoima vlasti i fondovima - Sportske igre mladih realizovan je u iznosu od 350.000 KM koliko je i odobreno Budžetom FBiH. Iako je Zakonom o izvršavanju Budžeta za 2025. godinu u članu 22. stav 7. definisano da će se sredstva Tekućeg transfera drugim nivoima vlasti i fondovima - Sportske igre mladih koristiti po programu koji donosi Vlada, raspodjela sredstava je izvršena na osnovu Odluke o utvrđivanju kriterija za raspodjelu sredstava utvrđenih Budžetom FBiH za 2025. godinu Vladi FBiH na poziciji „Tekući transferi drugim nivoima vlasti i fondovima - Sportske igre mladih“.³⁸

Prijedlog navedene odluke je sačinila Interresorna radna grupa za utvrđivanje kriterija za raspodjelu sredstava³⁹ koju je 13. 3. 2025. godine imenovala Vlada FBiH sa zadatkom da u roku od najkasnije 30 dana od dana imenovanja, utvrdi kriterije za raspodjelu sredstava i putem Generalnog sekretarijata dostavi Vladi FBiH prijedlog odluke o utvrđivanju kriterija za raspodjelu sredstava na poziciji "Tekući transferi drugim nivoima vlasti i fondovima - Sportske igre mladih", na razmatranje i usvajanje. Odlukom o utvrđivanju kriterija za raspodjelu sredstava za sportske igre mladih definisani su opšti kriteriji (značaj Sportskih igara mladih za razvoj sporta BiH i FBiH; dugogodišnji kontinuitet projekta; doprinos popularizaciji i razvoju sporta; doprinos omasovljavanju sporta, uključivanje što više učesnika u aktivnosti koje su važne za zdravlje mladih i afirmacija mladih sportista s ciljem razvoja sporta) i posebni kriteriji (broj učesnika u Sportskim igrama mladih; organizacijski troškovi manifestacija; troškovi prijevoza i nabavka sportske opreme i rekvizita) za raspodjelu sredstava. Također, Odlukom je definisan korisnik (Udruženje za sport i rekreaciju mladih) i iznos sredstava, bez objavljivanja javnog poziva, tako da se primjena objavljenih kriterija ne može ni ocijeniti. Prezentovana je molba korisnika dostavljena 26. 3. 2025. godine za sufinansiranje projekta u iznosu od 600.000 KM za organizaciju sportskih igara u BiH, Srbiji, Hrvatskoj i Sloveniji kao i da imaju podršku svih navedenih vlada država učesnica. U prilogu molbe, dostavljeno je i rješenje o upisu u registar Ministarstva pravde BiH, uvjerenje o poreznoj registraciji, uvjerenje o registraciji u Jedinostveni registar obveznika indirektnih poreza,

³⁸ „Sl. novine FBiH“, br. 48/25 (V. broj 1026/2025 od 24. 6. 2025. godine)

³⁹ „Sl. novine FBiH“, br. 20/25 (V. broj 282/2025 od 13. 3. 2025. godine) u sljedećem sastavu: Arijana Huseinović - Ajanović, predstavnik Ureda Premijera Federacije Bosne i Hercegovine, predsjednik; i članovi Marica Bulić, predstavnik Kabineta zamjenika premijera Federacije Bosne i Hercegovine i federalnog ministra finansija; Fadil Mandal, predstavnik Kabineta zamjenika premijera Federacije Bosne i Hercegovine i federalnog ministra razvoja, poduzetništva i obrta; Marko Komšić, predstavnik Federalnog ministarstva kulture i sporta; Josip Nikolić, predstavnik Federalnog ministarstva prometa i komunikacija. Stručne i administrativno-tehničke poslove za potrebe Radne grupe obavljat će Bahra Džaka, Generalni sekretarijat Vlade Federacije Bosne i Hercegovine.



ugovor o otvaranju računa i Projektne aktivnosti za 2025 Sportskih igara mladih u BiH. **Shodno navedenom, za raspodjelu sredstava u iznosu od 350.000 KM nije usvojen program utroška sredstava Vlade FBiH, zbog čega raspodjela nije izvršena u skladu s članom 22. Zakona o izvršenju Budžeta FBiH za 2025. godinu. Također, objavljenom revizijom nije prezentovano kako su primijenjeni definisani kriteriji za dodjelu sredstava odabranom korisniku što nije u skladu sa Smjernicama o minimalnim standardima dodjele budžetskih sredstava putem transfera i subvencija u FBiH.**

Preporuka:

- **osigurati da se odobrena sredstva za tekući transfer sportskih igara za mlade realizuju po programu koji donosi Vlada FBiH u skladu sa Zakonom o izvršenju Budžeta FBiH i da se raspodjela sredstava izvrši u skladu sa Smjernicama o minimalnim standardima dodjele budžetskih sredstava putem transfera i subvencija u FBiH.**

Tekući transferi neprofitnim organizacijama za političke stranke i koalicije iskazan u iznosu od 5.000.000 KM utvrđen je Budžetom FBiH.

Zakonom o finansiranju političkih stranaka, koji je donesen na nivou BiH, utvrđeno je da se politička stranka može finansirati, između ostalog, iz entitetskih budžeta i to isključivo za ostvarivanje ciljeva utvrđenih svojim programom i statutom, kao i da je revizija finansiranja političkih stranaka u nadležnosti Centralne izborne komisije Bosne i Hercegovine. Zakonom o izvršavanju Budžeta FBiH za 2025. godinu propisano je da se za finansiranje političkih stranaka i koalicija izdvajaju sredstva u iznosu od 0,06% u odnosu na ukupne prihode, bez primitaka. Sredstva namijenjena za finansiranje političkih subjekata koriste se po programu koji donosi Vlada FBiH, a raspoređuju se tako što se 40% od predviđenog iznosa raspoređuje na sve političke subjekte koji su zastupljeni u Parlamentu FBiH u jednakim iznosima, a 60% prema broju poslanika u domovima Parlamenta, na dan dodjele mandata.

Odlukom Vlade FBiH usvojen je Program utroška sredstava sa kriterijima raspodjele sredstava „Tekući transferi neprofitnim organizacijama – Za političke stranke i koalicije“⁴⁰ (u daljnjem tekstu: Program) u iznosu od 5.000.000 KM. Programom je utvrđena raspodjela sredstava političkim subjektima u skladu sa kriterijima utvrđenim Zakonom o izvršavanju Budžeta FBiH za 2025. godinu, a isplata je utvrđena u četiri jednaka iznosa na početku svakog kvartala.

U toku godine, realizacija transfera je bila podložna izmjenama koje su nastale zbog odluke Visokog predstavnika od 24. 4. 2025. godine kojom su obustavljene sve isplate budžetskih sredstava u svrhu finansiranja političkih stranaka za Savez nezavisnih socijaldemokrata (SNSD) i Ujedinjenu Srpsku,⁴¹ te su sredstva za III i IV kvartal odobrena za SNSD uplaćena na poseban račun otvoren u Centralnoj banci BiH (52.047 KM). Nadalje, Centralna izborna komisija je u toku godine donijela dva rješenja o prestanku mandata i ponovno dodijelila samo jedan mandat, pa je 17. 12. 2025. godine donesena izmjena navedene Odluke na osnovu kojeg su sredstva isplaćena političkim strankama u ukupnom iznosu od 4.947.953 KM.

U tabeli je prikazan raspored sredstava ovog transfera, kao i ukupno isplaćena sredstva za 2025. godinu po korisnicima:

NAZIV STRANKE / KOALICIJE ZASTUPLJENE U PARLAMENTU FBiH	Raspodjela sredstava				Ukupno isplaćeno za 2025. godinu
	I kvartal	II kvartal	III kvartal	IV kvartal	
1	2	3	4	5	6
NAZIV STRANKE					
1. SDA-Stranka demokratske akcije BiH	185.206	185.206	186.733	187.349	744.494
2. SDP-Socijaldemokratska partija BiH	134.644	134.644	135.885	136.501	541.675
3. Naša stranka	58.802	58.802	59.614	60.230	237.447
4. Narod i pravda	37.734	37.734	38.427	39.043	152.940
5. Stranka za Bosnu i Hercegovinu - SBiH	41.948	41.948	42.845	43.099	169.841
6. Hrvatska demokratska zajednica 1990 – HDZ 1990	37.734	37.734	38.427	39.043	152.940
7. HDZ BiH – Hrvatska demokratska zajednica BiH	29.307	29.307	29.953	30.569	119.136
8. Savez nezavisnih socijaldemokrata - SNSD - Milorad Dodik	25.094	25.094	25.716	26.332	50.187

⁴⁰ „Sl. novine FBiH“, br. 18/24

⁴¹ „Sl. novine FBiH“, br. 31/25 Odlukom Visokog predstavnika kojom se obustavljaju sve isplate budžetskih sredstava u svrhu finansiranja političkih stranaka za Savez nezavisnih socijaldemokrata (SNSD) i Ujedinjenu Srpsku, br. 18/25 od 24.04.2025. godine



NAZIV STRANKE / KOALICIJE ZASTUPLJENE U PARLAMENTU FBiH	Raspodjela sredstava				Ukupno isplaćeno za 2025. godinu
	I kvartal	II kvartal	III kvartal	IV kvartal	
1	2	3	4	5	6
9. Pokret demokratske akcije - PDA	25.094	25.094	25.716	26.332	102.235
10. Bosanskohercegovačka inicijativa – Kasumović Fuad	20.880	20.880	21.478	22.094	85.333
11. Hrvatska republikanska stranka	20.880	20.880	21.478	22.094	85.333
12. HNP – hrvatski nacionalni pomak	25.094	25.094	25.716	26.332	102.235
13. POMAK – pokret za modernu i aktivnu Krajinu	20.880	20.880	21.478	22.094	85.333
14. Bosanska narodna stranka „BNS“	20.880	20.880	21.478	22.094	85.333
15. Novi početak	20.880	20.880	21.478	22.094	85.333
16. Za nove generacije	20.880	20.880	20.880	0	62.641
17. Liberalna stranka – LS BiH	20.880	20.880	21.478	22.094	85.333
NAZIV KOALICIJE					
18. HDZ BiH, HSSSR, HSS, HSP BiH, HKDU, HSPAS, HDU, HSPHB, HRAST, HNL	79.869	79.869	80.800	81.416	321.955
19. Željko Komšić – za građansku državu-DF/GS	100.936	100.936	102.585	106.840	411.298
20. Povjerenje! (Narod i pravda, SPU BiH)	46.161	46.161	46.902	47.518	186.743
21. NES-za evropsku BiH	37.734	37.734	38.427	39.043	152.940
22. HDZ BiH, HSP BiH, HDU, HSP AS, HRAST, HSP HB	37.734	37.734	38.427	39.043	152.940
23. HDZ BiH, HDU, HSS, HKDU	37.734	37.734	38.427	39.043	152.940
24. NES	29.307	29.307	29.953	30.569	119.136
25. HDZ BiH, HSS SR, HSS, HSP BiH, HKDU, HSP AS, HDU, HRAST	29.307	29.307	29.953	30.569	119.136
26. HDZ 1990 – HSP HB i BiH	20.880	20.880	21.478	22.094	85.334
27. Srpsko jedinstvo (SNPFBiH-SPS)	20.880	20.880	21.478	22.094	85.334
28. Srpska sloga – SNS FBiH SP DNS PDP SDS	20.880	20.880	0	0	41.760
29. HDZBiH, HSSSR, HSS, HSPBiH, HKDU, HSPAS, HDU, HSPHB, HRAST, HDZ90, HNP	20.880	20.880	21.478	22.094	85.333
30. SD BiH SOCIJALDEMOKRATE BOSNE I HERCEGOVINE ZELENI POKRET	20.880	20.880	21.478	22.094	85.333
31. Centralna banka BiH					52.047
Ukupno za raspored strankama i koalicijama	1.250.000	1.250.000	1.250.000	1.250.000	5.000.000

Na zahtjev Generalnog sekretarijata politički subjekti su dostavili pojedinačne programe utroška sredstava u iznosu koji im pripada, iako Odlukom Vlade FBiH nije definisana obaveza dostavljanja programa utroška političkih subjekata. Prema prezentiranim podacima, HDZ 1990, Za nove generacije, Liberalna stranka, Hrvatska seljačka stranka, Hrvatska demokratska zajednica 1990 i Srpska sloga SNS FBiH, SP, DNS, PDP, SDS nisu dostavili svoje programe utroška, što onemogućava Generalnom sekretarijatu praćenje namjenskog utroška. Prema programima političkih subjekata, najznačajniji iznos sredstava je planiran za troškove plaća i naknada troškova zaposlenih.

Tekući transferi iz sredstava tekuće rezerve Vlade FBiH su realizovani u iznosu od 2.727.000 KM. U okviru *transfera neprofitnim organizacijama* iskazana su izdvajanja iz sredstava tekuće rezerve Vlade FBiH u iznosu od 2.027.000 KM, koja su realizovana putem transfera neprofitnim organizacijama (1.237.000 KM) i vjerskim zajednicama (790.000 KM).

Pregled korisnika prikazan u nastavku:

R. Br.	Korisnik	Broj odluke Vlade FBiH	Iznos odobrenih sredstava	Namjena za koju su sredstva tekuće rezerve odobrena Generalnom sekretarijatu
1.	2.	3.	4.	5.
1.1	Udruženje "Gradski sportski savez Cazin" Cazin	V.broj: 219/2025 od 3. 3. 2025.	20.000	Osiguranje kvalifikacione utakmice za odlazak na Euro muške reprezentacije i ženske reprezentacije u rukometu - igra Baraž za ulazak u grupni žrijeb za Evropsko takmičenje.
1.2	Rukometni klub Izviđač Ljubuški	V.broj: 288/2025 od 17. 3. 2025.	40.000	Sufinansiranje učešća članova Kluba u tekućoj sezoni EHF European Cup-a
1.3	Udruženje "Bilijar akademija Sanjin Pehlivanović"	V.broj: 394/2025 od 27. 3. 2025.	10.000	Organizacija bilijarskog turnira European Open Championship
1.4	Društvo ekonomista u Federaciji Bosne i Hercegovine	V.broj: 407/2025 od 27. 3. 2025.	10.000	Osiguranja sufinansiranja rada Društva
1.5	Rukometni klub Izviđač Ljubuški	V.broj:1054/2025 od 25. 6. 2025.	10.000	Završnog turnira Kupa BiH u Ljubuškom



R. Br.	Korisnik	Broj odluke Vlade FBiH	Iznos odobrenih sredstava	Namjena za koju su sredstva tekuće rezerve odobrena Generalnom sekretarijatu
1.	2.	3.	4.	5.
1.6	Udruženje Atletski klub "PACE" Konjic	V.broj: 1062/2025 od 25. 6. 2025.	20.000	Sufinansiranja organizacije Međunarodnog festivala "Konjic Summer Fest"
1.7	Fondacija za obilježavanje 11. jula 1995. godine-godišnjica genocida	V.broj: 1067/2025 od 25. 6. 2025.	50.000	Finansijske podrške obilježavanja 30. godišnjice genocida nad Bošnjacima "Sigurne zone UN-a" Srebrenica
1.8	Savez za podršku profesionalnog boksa u BiH	V.broj: 1068/2025 od 25. 6. 2025.	10.000	Osiguranje sufinansiranja organizacije 77. Kongresa Evropske bokserke unije u Bosni i Hercegovini
1.9	Skijaški klub "ZE 2010" Zenica	V.broj: 1549/2025 od 1. 10. 2025.	30.000	Priprema i nastup Elvedine Muzaferije na Zimskim olimpijskim igrama Milano-Cortina 2026.
1.10	Nogometni savez Federacije Bosne i Hercegovine	V.broj: 1550/2025 od 1. 10. 2025.	50.000	Podrška aktivnostima razvoja omladinskog nogometa u Federaciji Bosne i Hercegovine, po zahtjevu Nogometnog saveza Federacije Bosne i Hercegovine
1.11	Srpska pravoslavna crkvena opština u Sarajevu - Saborna crkva	V.broj: 1553/2025 od 1. 10. 2025.	150.000	Podrške, sanaciji Saborne crkve u Bosni i Hercegovini.
1.12	Udruženje Obala Art Centar Sarajevo	V.broj: 1554/2025 od 1. 10. 2025.	100.000	Osiguranje sufinansiranja kulturno-turističke manifestacije 31. Sarajevo Film Festival
1.13	Islamska zajednica u Bosni i Hercegovini - Muftijstvo sarajevsko	V.broj: 1555/2025 od 1. 10. 2025.	200.000	Osiguranje finansiranja rekonstrukcije objekta po zahtjevu Islamske zajednice u Bosni i Hercegovini.
1.14	Udruženje Rukometni klub veterana "Sarajevo"	V.broj: 1556/2025 od 1. 10. 2025.	10.000	Podrška pri organizaciji veteranskog turnira "Sarajevo ljubavi moja"
1.15	Udruga za čuvanje sjećanja na djecu žrtve rata "Osmica" Vitez	V.broj: 1557/2025 od 1. 10. 2025.	20.000	Osiguranja sufinansiranja izgradnje Spomen parka "Osmica" i spomen sobe sa multimedijalnim sadržajem.
1.16	Udruženje "Mininogomet"	V.broj: 1558/2025 od 1. 10. 2025.	10.000	Podrške mininogometnoj reprezentaciji Bosne i Hercegovine
1.17	Mostarsko-duvanjska biskupija	V.broj: 1559/2025 od 1. 10. 2025.	100.000	Pomoć u projektima gradnje i očuvanja kulturne baštine, po zahtjevu Biskupa Mostarsko-duvanjske i Apostolskog upravitelja Trebinjsko-mrkanske biskupije.
1.18	Akademija nauka i umjetnosti Bosne i Hercegovine	V.broj: 1560/2025 od 1. 10. 2025.	20.000	Učešće u finansiranju konferencije koja će se održati 18. i 19. novembra 2025. godine u Sarajevu
1.19	Hrvatsko katoličko dobrotvorno društvo	V.broj: 1561/2025 od 1. 10. 2025.	150.000	sufinansiranja uređenja i obnove smještajnih i dr. kapaciteta namijenjenih za pružanje boljih uslova stanovanja studenata u studentskom domu "Dr. Dragutin Dujmušić" u Sarajevu
1.20	Sportski savez Bosne i Hercegovine	V.broj: 1671/2025 od 17. 11. 2025.	5.000	Finansijska podrška Sportskom savezu Bosne i Hercegovine za obilježavanje 81. jubilarnog izbora sportiste za 2025. godinu
1.21	Međureligijsko vijeće u Bosni i Hercegovini	V.broj: 1672/2025 od 17. 11. 2025.	50.000	Finansijska podrška Međureligijskom vijeću u Bosni i Hercegovini.
1.22	Udruženje za promociju sporta "SIMPOSAR"	V.broj: 1686/2025 od 17. 11. 2025.	15.000	Sufinansiranja 14. Međunarodnog sportskog simpozija "SIMPOSAR" Sarajevo
1.23	Hrvatsko kulturno umjetničko društvo "Seljačka sloga" Trebižat-Čapljina	V.broj: 1687/2025 od 17. 11. 2025.	10.000	finansijska podrška HKUD "Seljačka sloga" Trebižat Čapljina za obilježavanje 100-te godišnjice rada
1.24	Srpska pravoslavna crkvena opština mostarska	V.broj: 1980/2025 od 31. 12. 2025.	100.000	Sufinansiranja nastavka obnove Saborne crkve Svete Trojice u Mostaru.
1.25	Udruženje balotaša "Grahovo" Bosansko Grahovo	V.broj: 1981/2025 od 31. 12. 2025.	10.000	sufinansiranja završetka uređenja prostorija Udruženja balotaša "Grahovo" Bosansko Grahovo.
1.26	Župa Presvetog Trojstva	V.broj: 1983/2025 od 31. 12. 2025.	40.000	Sufinansiranja projekta obnove fasade na Crkvi Presvetog Trojstva u Novom Sarajevu.
1.27	Udruga "Blaž Enology"	V.broj: 1984/2025 od 31. 12. 2025.	10.000	sufinansiranja manifestacije "Žilavka Terroir" 2025
1.28	Franjevački provincijalat Bosne Srebrene	V.broj: 1985/2025 od 31. 12. 2025.	200.000	Sufinansiranja radova na dovršetku treće faze projekta Franjevačkog provincijalata Bosne Srebrene.
1.29	Udruga "Mir International" Mostar	V.broj: 1987/2025 od 31. 12. 2025.	200.000	Sufinansiranja projekta izgradnje Groblja mira
1.30	Olimpijski komitet Bosne i Hercegovine	V.broj: 1988/2025 od 31. 12. 2025.	50.000	sufinansiranja priprema, kvalifikovanja i organizacije odlaska olimpijaca BiH na Zimske olimpijske igre Milano-Cortina 2026
1.31	Fondacija za edukaciju, promociju zdravlja i unaprijeđenje nauke - Academia	V.broj: 1990/2025 od 31. 12. 2025.	7.000	Sufinansiranja administrativnih troškova i edukativnih projekata
1.32	Udruženje "Glamočki krompir" Glamoč	V.broj: 1991/2025 od 31. 12. 2025.	20.000	sufinansiranja aktivnosti Udruženja "Glamočki krompir" Glamoč
1.33	Muftijstvo mostarsko, Mostar	V.broj: 1993/2025 od 31. 12. 2025.	150.000	sufinansiranja nastavka radova na rekonstrukciji Šišman Ibrahim-pašine medrese u Počitelju.
1.34	Srpska pravoslavna crkvena opština u Sarajevu - Saborna crkva	V.broj: 1995/2025 od 31. 12. 2025.	150.000	sufinanciranja kupovine bogoslužbenih odeždi i bogoslužbenih sasuda
	UKUPNO:		2.027.000	



Dio sredstava tekuće rezerve Vlade FBiH odobren je Generalnom sekretarijatu za dodjelu sredstava sportskim i kulturno-umjetničkim društvima, kao i vjerskim zajednicama (1.660.000 KM), za namjene koje nadležna ministarstva planiraju budžetom i realizuju kroz transparentne procedure javnih poziva. Također, obavljenom revizijom konstatovano je da su sredstva tekuće rezerve za pet korisnika dodijeljena u iznosu od 540.000 KM, za finansiranje istih/sličnih projekata na istim objektima ili za iste aktivnosti kao i kod Federalnog ministarstva kulture i sporta (515.000 KM). Shodno navedenom, ne možemo potvrditi da se radi o nepredviđenim namjenama, budući da su sredstva za iste ili slične svrhe bila planirana i odobrena u okviru resornog ministarstva.

Iz sredstava tekuće rezerve Vlade FBiH iskazani su i *transferi drugim nivoima vlasti (450.000 KM)* koji se odnose na izdvajanja za finansijsku pomoć općinama Domaljevac - Šamac (150.000 KM) i Tomislavgrad (100.000 KM), kao i gradu Mostaru (200.000 KM).

Drugi tekući rashodi se najvećim dijelom odnose na izdvajanja iz tekuće rezerve Vlade FBiH u iznosu od 250.000 KM i to za finansijsku podršku aktivnostima Ustanove za socijalno zbrinjavanje i zdravstvenu njegu-Ljubuški (200.000 KM), te za nabavku pneumatske bušilice za obradu kostiju za ortopedske operacije Kantonalne bolnice "dr. Fra Mihovil Sučić" u Livnu (50.000 KM).

Od ukupno odobrenih sredstava tekuće rezerve, na osnovu odluka Vlade FBiH u iznosu od 2.727.000 KM, do 31. 12. 2025. godine korisnicima je doznačeno 1.090.000 KM, dok preostali iznos od 1.637.000 KM do okončanja revizije nije realizovan.

Zbog različitog definisanja namjene sredstava tekuće rezerve u skladu sa Zakonom o budžetima u FBiH i Zakonom o izvršavanju Budžeta FBiH za 2025. godinu, pojedini korisnici sredstava tekuće rezerve Vlade FBiH su bili i korisnici sredstava transfera u resornim ministarstvima za finansiranje istih projekata.

6.1.1.4 Nadzor nad namjenskim utroškom i evaluacija efekata dodijeljenih budžetskih sredstava tekućih transfera

U skladu sa Smjernicama o minimalnim standardima dodjele budžetskih sredstava putem transfera i subvencija u FBiH, Generalni sekretarijat je dužan da provodi postupke praćenja i evaluacije finansiranih programa i projekata, kao i da osigura namjensko trošenje, te da ocjenjuje učinke dodijeljenih budžetskih sredstava. Pravilnikom o nadzoru nad namjenskim utroškom sredstava dodijeljenih putem tekućih transfera Vlade FBiH – Generalnog sekretarijata od 10.7.2025. godine je definisan nadzor i rad komisija za nadzor nad namjenskim utroškom sredstava. Također, u skladu s članom 57. Zakona o budžetima u FBiH korisnici doznačenih transfera dužni su budžetskom korisniku dostaviti izvještaj o namjenskom utrošku sredstava.

Stalna komisija za praćenje i evaluaciju namjenskog korištenja sredstava finansijske pomoći za gradove i općine za sanaciju šteta uzrokovanih poplavama imenovana je 10. 11. 2025. godine. Zadatak komisije je da izvrši programsko i finansijsko praćenje i evaluaciju obaveza prema Odluci od 7. 10. 2025. godine i ugovorima o namjenskom korištenju dodijeljenih sredstava potpisanim sa gradovima i općinama; kontaktira sa predstavnicima korisnika sredstava; izvrši uvid na terenu, sačini fotografije sa terena i sačini zapisnik; izradi kvartalne izvještaje o namjenskom utrošku sredstava i izradi i dostavi Konačni izvještaj o namjenskom utrošku dodijeljenih sredstava i izvijesti sekretarku ukoliko utvrdi nenamjenski utrošak ili neispunjenje ugovorenih obaveza. Ugovorima sa općinama i gradovima definisano je kvartalno izvještavanje po periodima: 23. 10. - 31. 12. 2025.; 1. 1. - 31. 3. 2026.; 1. 4. - 30. 6. 2026.; 1. 7. -30. 9. 2026. i 1. 10. -31. 12. 2026. godine. Članom 7. Ugovora je definisano da je korisnik dužan objaviti izvještaj o realizaciji i vidljivosti rezultata programa uz informaciju da je Vlada FBiH finansirala ili sufinansirala program ili projekat.

Komisija je izvršila analizu rizika i sačinila plan terenskih posjeta kojim su obuhvaćene sve općine i gradovi za period provođenja projekta 23. 10. 2025. – 31. 12. 2026. godine sa planiranim kvartalnim terenskim posjetama u periodu od februara 2026. do marta 2027. godine. Nakon zaprimanja izvještaja korisnika za prvi kvartal, komisija je sačinila analizu dostavljene dokumentacije te tražila dopunu i najavila terenske posjete



koje je obavila u februaru (Općina Fojnica) i martu (Općine Jablanica i Kreševo). Obavljenim terenskim posjetama izvršen je uvid u originalnu dokumentaciju koja odgovara dokumentaciji priloženoj za pravdanje namjenskog utroška dodijeljenih sredstava i komisija je ovjerila dokaznu dokumentaciju štambiljem „PLAĆENO SREDSTVIMA VLADE FBiH“, a zapisnik o izvršenom nadzoru potpisala je komisija kao i predstavnici općina i gradova.

Komisija je sačinila i dostavila 24. 2. 2026. izvještaj o namjenskom utrošku sredstava za transfer finansijske pomoći gradovima i općinama za sanaciju šteta uzrokovanim poplavama kojim je konstatovano da su korisnici iskoristili samo 21% od odobrenih sredstava (10.569.871 KM od doznačenih 50.000.000 KM), a realizovana sredstva su umanjena za iznos od 129.347 KM koje je Općina Fojnica isplatila privrednim subjektima koji nisu registrovani na području općine, te nisu priznati kao prihvatljivi trošak. Nisu vršene planirane terenske posjete Mostaru, Konjicu i Kiseljaku jer u dostavljenim izvještajima općina i gradova nije dostavljena dokumentacija o trošenju sredstava u prvom izvještajnom periodu.

Obaveza Generalnog sekretarijata je definisana odlukom Vlade FBiH u dijelu vršenja kontrole namjenskog utroška odobrenih sredstava za Sportske igre mladih na osnovu dostavljenog izvještaja od strane Udruženja za sport i rekreaciju mladih. Ugovor je 10. 7. 2025. godine potpisan sa korisnikom, kojim su definisani rokovi i način izvještavanja, kao i prihvatljive troškove nastale u periodu februar – novembar 2025. godine.⁴² Sekretarka je 10. 11. 2025. godine imenovala komisiju za praćenje i evaluaciju namjenskog korištenja sredstava za sportske igre mladih sa zadatkom da izvrši programsko i finansijsko praćenje i evaluaciju obaveza prema Programu Udruženja za sport i rekreaciju mladih, Odluci Vlade FBiH i ugovoru o namjenskom korištenju dodijeljenih sredstava, te izradi izvještaj o namjenskom utrošku dodijeljenih sredstava i dostavi ga sekretarki do 31. 1. 2026. godine. Komisija je izvršila uvid u dostavljeni izvještaj korisnika sredstava, te dostavila zahtjev za dopunu dokumentacije koju je korisnik dostavio u predviđenom roku. Nakon izvršenog uvida u dostavljenu dokumentaciju, komisija je izvršila i terensku posjetu i izvršila uvid u originalnu dokaznu dokumentaciju koju je ovjerila štambiljem „PLAĆENO SREDSTVIMA VLADE FBiH“ i sačinila zapisnik koji je potpisala komisija kao i predstavnici Udruženja.

Komisija je sačinila i dostavila 26. 1. 2026. godine izvještaj o namjenskom utrošku sredstava za sportske igre mladih kojim je konstatovano da je: korisnik u predviđenom roku ispunio obavezu izvještavanja o namjenskom utrošku; da je dostavljena potpuna dokumentacija za pravdanje dodijeljenih sredstava; te da troškovi odgovaraju prihvatljivim troškovima definisanim članom 4. Ugovora i za odobreni period. Sredstva su namjenski utrošena u skladu sa svrhom koja je utvrđena Odlukom i Ugovorom o namjenskom korištenju dodijeljenih sredstava. Također, komisija je sačinila i objavila 29. 1. 2026. godine na internet stranici Vlade FBiH izvještaj o evaluaciji efekata dodijeljenih sredstava odobrenih Odlukom o utvrđivanju kriterija za raspodjelu i dodjeli sredstava utvrđenih Budžetom FBiH za 2025. godinu Vladi FBiH na poziciji „Tekući transferi drugim nivoima vlasti i fondovima – Sportske igre mladih“.⁴³

Izvršenom revizijom konstatovano je da je praćenje namjenskog utroška dodijeljenih sredstava i evaluacija za tekuće transfere za sportske igre mladih izvršeno u skladu sa Smjernicama o minimalnim standardima dodjele budžetskih sredstava putem transfera i subvencija u FBiH.

U skladu sa Programom utroška sredstava za političke stranke i koalicije, politički subjekti su dužni Generalnom sekretarijatu, po primljenim uplatama, dostaviti izvještaje o namjenskom utrošku sredstava, sa kopijom finansijsko-knjigovodstvene dokumentacije na osnovu koje je izvršeno plaćanje i sa dokazima o uplati (izvodi iz banke) za troškove koji su namjenski finansirani sredstvima Vlade FBiH. Pored navedenog, Generalni sekretarijat je tokom godine zahtijevao da se izvještaji o utrošku dostavljaju na unificiranom obrascu, sa posebnim naglaskom da u izvještajima o namjenskom utrošku budu obuhvaćena samo sredstva uplaćena po osnovu Programa. Po prijemu izvještaja od političkih subjekata za svaki kvartal, vršen je nadzor nad namjenskim utroškom sredstava, te je u slučaju konstatovanih propusta, tražena dodatna dokumentacija od političkih subjekata.

⁴² Članom 4. ugovora definisani su prihvatljivi troškovi korisnika sredstava: organizacijski troškovi manifestacija/događaja/edukativnih radionica; troškovi prijevoza učesnika i organizatora; nabavka sportske opreme i rekvizita i troškovi promotivnih kampanja.

⁴³ <https://fbihvlada.gov.ba/bs/lzvjestaj-o-evaluaciji-efekata-dodijeljenih-sredstava-odobrenih-odlukom-o-utvrdivanju-kriterija-za-raspodjelu-i-dodjeli-sredstava-utvrdenih-budzetom-fbih-za-2025-godinu-vladi-fbih-na-poziciji>



Na osnovu pojedinačnih izvještaja političkih stranaka Generalni sekretarijat je sačinio analizu utroška sredstava po namjeni, pri čemu je utvrđeno da je najveći iznos sredstava utrošen na plaće i naknade troškova zaposlenih (59%) i izdatke za materijal, sitan inventar i usluge (25%), a ostatak na ostale rashode, humanitarnu pomoć i stipendije, te nabavku opreme (16%). Kako je navedeno u pojedinačnim izvještajima, sredstva su iskorištena za održavanje tekuće likvidnosti u smislu izmirenja obaveza plaća i doprinosa, obaveza prema dobavljačima, unajmljivanje prostorija i drugo.

Revizijom je konstatovano da je od ukupno doznačenih 4.947.953 KM priznat namjenski utrošak sredstava u iznosu od 4.882.448 KM. Nisu opravdana sredstva u iznosu od 65.505 KM od čega se najznačajniji iznos odnosi na koaliciju koja se odnosi na HSS– Hrvatski seljačka stranka (23.745 KM) i političku koaliciju Srpska sloga – SNS FBiH, SP, DNS, PDP, SDS (41.760 KM) koje nisu dostavile niti jedan izvještaj o utrošenim sredstvima. **Iako je Generalni sekretarijat u više navrata slao urgencije za dopunu dokumentacije, do okončanja revizije pojedini politički subjekti nisu dostavili traženu dokumentaciju.**

U skladu sa članom 37. stav 4. Zakona o izvršavanju Budžeta FBiH za 2025. godinu i Pravilnikom o finansijskom izvještavanju i godišnjem obračunu budžeta u FBiH, Generalni sekretarijat je periodično izvještavao Federalno ministarstvo finansija o utrošku sredstava transfera za parlamentarne političke partije.

Izvještaj o dodijeljenim sredstvima sa listom korisnika sredstva tekućih transfera za 2025. godinu, u skladu s članom 38. stav 5. Zakona o izvršavanju Budžeta FBiH za 2025. godinu objavljen je na internet-stranici Vlade FBiH.⁴⁴

Vezano za *transfere odobrene iz sredstava tekuće rezerve Vlade FBiH* uvidom u dokumentaciju odabranog uzorka, konstatovano je da su korisnici, kojima je rok za dostavu izvještaja bio 31. 12. 2025. godine, dostavili izvještaje (narativne i finansijske) o utrošku doznačenih sredstava u predviđenom roku. Za preostale korisnike rok za dostavljanje izvještaja je 31. 12. 2026. godine.

6.2 BILANS STANJA

6.2.1 Gotovina, kratkoročna potraživanja, razgraničenja i zalihe

Gotovina, kratkoročna potraživanja i razgraničenja iskazana su u iznosu od 1.990.399 KM.

Na poziciji **finansijskih i obračunskih odnosa s drugim povezanim jedinicama** u skladu s propisima za budžetske korisnike koji nemaju transakcijske račune iskazana je razlika aktive i pasive u iznosu od 1.931.684 KM.

Na poziciji razgraničenih rashoda, kao i na poziciji obaveza po pravosnažnim sudskim presudama iz radnih sporova, iskazan je iznos od 55.559 KM, evidentiran u skladu s instrukcijom Federalnog ministarstva finansija.

6.2.2 Stalna sredstva

Stalna sredstva iskazana su u iznosu od 64.419.514 KM (nabavne vrijednosti 74.978.329 KM i ispravke vrijednosti 10.558.815 KM) i usaglašena su sa izvorima stalnih sredstava. Strukturu nabavne vrijednosti stalnih sredstava čine: građevine (67.073.389 KM), zemljišta (4.728.457 KM), oprema (2.147.964 KM), stalna sredstva u obliku prava – licence (867.774 KM), sredstva u pripremi (25.740 KM) i sredstva van upotrebe (135.005 KM).

Povećanje vrijednosti stalnih sredstava najvećim dijelom odnosi se na revidiranu nabavku opreme (66.798 KM) i nabavku stalnih sredstava u obliku prava (119.925 KM).

Smanjenje nabavne vrijednosti stalnih sredstava odnosi se na trajno isknjižena stalna sredstva po popisu i izvršenim prenosom i isknjižavanjem dijela stalnih sredstava i sitnog inventara sa Generalnog sekretarijata na Ured premijera/predsjednika Vlade i urede dva zamjenika premijera/predsjednika

⁴⁴ <https://fbihvlada.gov.ba/bs/izvjestaj-o-dodijeljenim-sredstvima-sa-listom-korisnika-sredstava-tekucih-transfera-za-2025-godinu>



Vlade FBiH na osnovu Odluke Vlade FBiH kojom su umanjena stalna sredstva za 59.244 KM (nabavne vrijednosti 267.089 KM i ispravke vrijednosti 207.845 KM).⁴⁵

6.2.3 Kratkoročne obaveze i razgraničenja

Kratkoročne obaveze i razgraničenja iskazana su u iznosu od 1.990.399 KM.

Kratkoročne tekuće obaveze iskazane su u iznosu od 1.793.757 KM i odnose se na: obaveze za tekuće transfere neprofitnim organizacijama (999.641 KM), obaveze za tekuće transfere drugim nivoima vlasti (450.000 KM), ostale kratkoročne obaveze (309.867 KM), obaveze prema pravnim licima (18.564 KM) i obaveze prema fizičkim licima (15.685 KM).

Obaveze prema zaposlenicima iskazane su u iznosu od 193.938 KM, a odnose se na obaveze po osnovu plaće i naknade troškova zaposlenih za decembar 2025., koje su isplaćene u januaru 2026. godine.

Kratkoročna razgraničenja iskazana su u iznosu od 2.704 KM.

6.2.4 Popis imovine i obaveza

Zakonom o računovodstvu i reviziji u FBiH propisana je obaveza da se najmanje jednom godišnje izvrši popis imovine s ciljem utvrđivanja stvarnog stanja, te da se u poslovnim knjigama izvrši usklađivanje knjigovodstvenog stanja sa stvarnim stanjem. Također, Pravilnikom o knjigovodstvu budžeta FBiH⁴⁶ i Računovodstvenim politikama za federalne budžetske korisnike i Trezor⁴⁷ definisano je da budžetski korisnici mogu propisati obavezu popisa u kraćim rokovima ili donijeti odluku o vanrednom popisu prilikom primopredaje dužnosti, promjene cijena proizvoda i roba, statusnih promjena i u drugim slučajevima.

Pravilnikom o popisu iz 2021. godine Generalni sekretarijat je definisao način organizovanja i postupak provođenja popisa imovine i obaveza, imenovanje komisija za provođenje popisa, poslove popisnih komisija i rokove u vršenju popisa. Redovan popis se obavlja najmanje jednom godišnje na 31. 12. tekuće godine s ciljem usaglašavanja knjigovodstvenog sa stvarnim stanjem, dok se vanredni popis može vršiti tokom godine, obavezno u slučaju statusnih ili drugih promjena, kao i kod primopredaje dužnosti.

U skladu sa navedenim propisima, sekretarka je 19. 5. 2025. godine donijela Odluku o vanrednom popisu i osnivanju komisije za popis s ciljem utvrđivanja stanja na 30. 4. 2025. godine. Povod za provođenje vanrednog popisa je bio Sporazumom o preuzimanju savjetnika, državnih službenika i namještenika iz Generalnog sekretarijata Vlade FBiH u Ured premijera/predsjednika Vlade FBiH i ureda dva zamjenika premijera/predsjednika Vlade FBiH od 18. 4. 2025. godine, kojim je za 25 zaposlenika utvrđen prestanak radnog odnosa u Generalnom sekretarijatu sa 30. 4. 2025. godine. Shodno tome, bilo je potrebno izvršiti popis i preuzimanje stalnih sredstava i sitnog inventara koji su bili na korištenju navedenih zaposlenika.

Popisna komisija je 2. 6. 2025. godine sačinila Izvještaj o vanrednom popisu, koji je sekretarka usvojila Odlukom od 5. 6. 2025. godine.

Također, redovan godišnji popis sredstava i obaveza pokrenut je Odlukom sekretarke od 19. 11. 2025. godine. Rješenjem o imenovanju predsjednika i članova komisija, imenovane su centralna popisna komisija, komisija za popis stalnih sredstava, zaliha materijala, robe i sitnog inventara i komisija za popis novčanih sredstava, potraživanja i obaveza. Odlukom su utvrđeni rokovi za sačinjavanje i dostavljanje izvještaja o popisu.

Komisije su sačinile pojedinačne izvještaje, a izvještaj Centralne popisne komisije o obavljenom redovnom popisu na 31. 12. 2025. godine sekretarka je usvojila Odlukom od 5. 2. 2026. godine kojom je prihvaćen prijedlog komisije za rashodovanje materijalnih i nematerijalnih sredstava nabavne vrijednosti od 135.005 KM, sadašnje vrijednosti 0 KM.

⁴⁵ V. broj 1102/2025 od 25. 6. 2025. godine

⁴⁶ „Sl. novine FBiH“, br. 60/14 i 99/23

⁴⁷ „Sl. novine FBiH“, br. 58/16 i 99/23

Uvidom u prezentovanu dokumentaciju utvrđeno je da su vanredni i redovni godišnji popis izvršeni u skladu sa odredbama Zakona o računovodstvu i reviziji u FBiH, podzakonskim aktima i Pravilnikom o popisu Generalnog sekretarijata.

7. VANBILANSNA EVIDENCIJA

Na vanbilansnoj evidenciji su iskazana tuđa stalna sredstva u iznosu od 143.926 KM, koja su na korištenju u Generalnom sekretarijatu. U toku godine izvršeno je umanjenje tuđih sredstava za 399.835 KM koja se odnose na tuđa sredstva koja su data na korištenje Uredu premijera Vlade FBiH i uredima dva zamjenika premijera Vlade FBiH.

8. JAVNE NABAVKE

Generalni sekretarijat je Pravilnikom o javnim nabavkama⁴⁸ uredio provođenje javnih nabavki, uključujući način ispitivanja tržišta, poslove i zadatke komisije, praćenje realizacije ugovora/okvirnih sporazuma, provođenje direktnih sporazuma i druga pitanja od značaja za provođenje postupaka, u skladu sa članom 13. Zakona o javnim nabavkama⁴⁹ (u daljem tekstu: Zakon).

Plan javnih nabavki za 2025. godinu donesen je 12. 2. 2025. godine, ukupne procijenjene vrijednosti u iznosu od 346.900 KM.⁵⁰ U toku godine donesene su tri izmjene i dopune plana, tako da ukupna vrijednost javnih nabavki sa izmjenama i dopunama iznosi 425.270 KM.

Vrsta postupka	Planirane nabavke		Provedene nabavke			Revidirani uzorak	
	Broj postupaka	Iznos u KM	Broj postupaka	Iznos u KM	% u odnosu na plan	Broj postupaka	Iznos u KM
Direktni sporazum	33	113.100	33	59.823	53%	7	31.675
Otvoreni postupak	2	187.970	2	102.500	55%	1	102.500
Konkurentski zahtjev za dostavu ponuda	4	89.900	4	89.647	99%	3	60.226
Nabavka usluga iz Aneksa II	3	34.300	3	22.828	67%	1	12.548
Ukupno	42	425.270	42	274.798	65%	12	206.949

Revizijom je izvršeno ispitivanje usklađenosti 12 provedenih postupaka nabavki, sa fokusom na ispunjenost općih uslova za početak postupka javne nabavke; provođenje procedure javne nabavke; prijem i otvaranje ponuda i izbor ponuđača; realizaciju zaključenog ugovora i postupak pravne zaštite.

Shodno tome, konstatovano je da je Generalni sekretarijat kod provedenih javnih nabavki postupao u skladu sa Zakonom o javnim nabavkama i Pravilnikom o javnim nabavkama.

9. KOMENTARI NA NACRT IZVJEŠTAJA

Na dostavljeni Nacrt izvještaja o izvršenoj finansijskoj reviziji za 2025. godinu Generalni sekretarijat je 25. 5. 2026. godine dostavio komentar, uz dodatnu dokumentaciju.

Obrazloženje je dato na nalaze koji se odnose na: raspodjelu sredstava tekućih transfera finansijske pomoći gradovima i općinama za sanaciju šteta uzrokovanih poplavama koje su realizovale interresorne komisije Vlade FBiH, donošenje programa utroška sredstava za tekući transfer sportskih igara za mlade, različito definisanje namjene sredstava tekuće rezerve Zakonom o budžetima u FBiH i Zakonom o izvršavanju budžeta FBiH, kao i za preporuku da se izmjeni naziv budžetskog korisnika na razdjelu 12 glava 1201 u registru budžetskih korisnika.

⁴⁸ 05-30-93/23 od 22. 2. 2023. godine i 05-30-93-1/23 od 26. 12. 2024. godine

⁴⁹ „Sl. glasnik BiH“, br. 39/14.59/22 i 50/24

⁵⁰ Svi iznosi su navedeni bez PDV-a



U komentaru je navedeno da je Generalni sekretarijat za navedene nalaze zatražio mišljenja/očitovanja Federalnog ministarstva finansija – akti su dostavljeni u prilogu, ali do datuma dostave komentara na Nacrt izvještaja nije dobio odgovore. Nalazi u pasusu Isticanje pitanja odnose se na realizaciju sredstava odobrenih i realizovanih u budžetu Generalnog sekretarijata, dok su za proceduru dodjele sredstava bile zadužene interresorne radne grupe i Vlada FBiH. Uvažavajući konstatovane nepravilnosti, navedeno nije uticalo na mišljenje Generalnog sekretarijata, ali je skrenuta pažanja na to uvažavajući da se konačan izvještaj dostavlja Parlamentu FBiH, Vladi FBiH u skladu sa članom 16. Zakona o reviziji institucija u FBiH. Također, u komentaru je navedeno da preporuka za usvajanje programa utroška sredstva sportskih igara za mlade ne bi trebala biti adresirana Generalnom sekretarijatu. Međutim, preporuka je data jer je Generalni sekretarijat sačinio i dostavio prijedlog Vladi FBiH za usvajanje raspodjele sredstava tekućeg transfera.

Dostavljena je i informacija o preduzetim aktivnostima na osnovu revizorske preporuke, koja se odnosi na uspostavu funkcionalne interne revizije u dijelu pokretanja procedure popunjavanja radnog mjesta načelnika Jedinice za internu reviziju, i koja nije uticala na dati nalaz u Izvještaju.

Reviziju Vlade Federacije Bosne i Hercegovine (Generalnog sekretarijata) obavio je revizorski tim u sastavu: Azra Džeko – voditeljica tima, Lamija Hodžić – članica tima.

Voditeljica tima

Azra Džeko, s.r.

Rukovoditeljica Sektora za razvoj,
metodologiju i upravljanje
kvalitetom

Mia Buljubašić, s.r.

Koordinatorica rada u Sektoru
za finansijsku reviziju institucija
Federacije BiH

Sabina Selesković, s.r.

V. PRILOZI

- 1. GODIŠNJI FINANSIJSKI IZVJEŠTAJI**
- 2. IZJAVA RUKOVODSTVA**

BOSNA I HERCEGOVINA
FEDERACIJA BOSNE I HERCEGOVINE

Obrazac GIB

Identifikacioni broj: **4 2 0 0 1 4 9 9 7 0 0 0 6**

Šifra po kvalifikacionoj djelatnosti: **8 4 1 1**

Organizacioni broj: **1 2 0 1**

Operativni broj: **7 1 0 0 0**

Funkcionalni kod: **0 1 1 0**

Fond: **1 0**

VLADA FEDERACIJE BOSNE I HERCEGOVINE

Nadležno ministarstvo

1201

Potrošačka jedinica-glava

Sarajevo, Ul. Hamdije Čemerlića 2

Sjedište potrošačke jedinice

Pojedinačni obrazac

Konsolidovani obrazac

GODIŠNJI IZVJEŠTAJ O IZVRŠENJU BUDŽETA

Period izvještavanja od 01. 01. do 31. 12. 2025. godine

- u KM -

Redni broj	Broj Konta	Pozicija	Oznaka za AOP	Planirano	Ostvareno		Odstupanje (4 - 3)	Procenat (4/3) x 100
					u tekućoj godini	u prethodnoj godini		
	1	2		3	4	5	6	7
1		PRIHODI (2 + 17 + 35)	200	0	0	0	0,00	0,00
2	710000	PRIHODI OD POREZA (3 + 7 + 9 + 11 + 13 + 14 + 15 + 16)	201	0	0	0	0,00	0,00
3	711000	Porezi na dobit pojedinaca i preduzeća (od 4 do 6)	202	0	0	0	0,00	0,00
4	711100	Porezi na dobit pojedinaca (zaostale uplate poreza)	203	0	0	0	0,00	0,00
5	711200	Porezi na dobit preduzeća	204	0	0	0	0,00	0,00
6	711900	Porez na dobit banaka i drugih finansijskih organizacija, društava za osiguranje i reosiguranje imovine i lica, pravnih lica iz oblasti elektroprivrede, pošte i telekomunikacija i pravnih lica iz oblasti igara na sreću i ostalih preduzeća	205	0	0	0	0,00	0,00
7	712000	Doprinosi za socijalnu zaštitu (7 = 8)	206	0	0	0	0,00	0,00
8	712100	Doprinosi za socijalnu zaštitu	207	0	0	0	0,00	0,00
9	713000	Porezi na plaću i radnu snagu (9 = 10)	208	0	0	0	0,00	0,00
10	713100	Porezi na plaću (zaostale uplate poreza)	209	0	0	0	0,00	0,00
11	714000	Porez na imovinu (11 = 12)	210	0	0	0	0,00	0,00
12	714100	Porez na imovinu	211	0	0	0	0,00	0,00
13	715000	Domaći porezi na dobra i usluge	212	0	0	0	0,00	0,00
14	716000	Porezi na dohodak	213	0	0	0	0,00	0,00
15	717000	Prihodi od indirektnih poreza	214	0	0	0	0,00	0,00
16	719000	Ostali porezi	215	0	0	0	0,00	0,00
17	720000	NEPOREZNI PRIHODI (18 + 26 + 34 + 35)	216	0	0	0	0,00	0,00



Redni broj	Broj Konta	Pozicija	Oznaka za AOP	Planirano	Ostvareno		Odstupanje (4 - 3)	Procenat (4/3) x 100
					u tekućoj godini	u prethodnoj godini		
	1	2		3	4	5	6	7
18	721000	Prihodi od poduzetničkih aktivnosti i imovine i prihodi od pozitivnih kursnih razlika (od 19 do 25)	217	0	0	0	0,00	0,00
19	721100	Prihodi od nefinansijskih javnih preduzeća i finansijskih javnih institucija	218	0	0	0	0,00	0,00
20	721200	Ostali prihodi od imovine	219	0	0	0	0,00	0,00
21	721300	Kamate i dividende primljene od pozajmica i učešća u kapitalu	220	0	0	0	0,00	0,00
22	721400	Naknade primljene od pozajmica i učešća u kapitalu	221	0	0	0	0,00	0,00
23	721500	Prihodi od pozitivnih kursnih razlika	222	0	0	0	0,00	0,00
24	721600	Prihodi od privatizacije	223	0	0	0	0,00	0,00
25	721700	Prihodi po osnovu premije i provizije za izdatu garanciju	224	0	0	0	0,00	0,00
26	722000	Naknade, takse i prihodi od pružanja javnih usluga (od 27 do 33)	225	0	0	0	0,00	0,00
27	722100	Administrativne takse	226	0	0	0	0,00	0,00
28	722200	Sudske takse	227	0	0	0	0,00	0,00
29	722300	Komunalne naknade i takse	228	0	0	0	0,00	0,00
30	722400	Ostale budžetske naknade i takse	229	0	0	0	0,00	0,00
31	722500	Naknade i takse po federalnim zakonima i drugim propisima	230	0	0	0	0,00	0,00
32	722600	Prihodi od pružanja javnih usluga (prihodi od vlastitih djelatnosti korisnika budžeta i vlastiti prihodi)	231	0	0	0	0,00	0,00
33	722700	Neplanirane uplate-prihodi	232	0	0	0	0,00	0,00
34	723000	Novčane kazne	233	0	0	0	0,00	0,00
35	777000	Drugi tekući prihodi	234	0	0	0	0,00	0,00
36		PRIMLJENI TRANSFERI I DONACIJE (od 37 do 42)	235	0	0	0	0,00	0,00
37	731100	Primljeni tekući transferi od inostranih vlada i međunarodnih organizacija	236	0	0	0	0,00	0,00
38	732100	Primljeni tekući transferi od ostalih nivoa vlasti	237	0	0	0	0,00	0,00
39	741100	Primljeni kapitalni transferi od inostranih vlada	238	0	0	0	0,00	0,00
40	742100	Kapitalni transferi od ostalih nivoa vlasti i fondova	239	0	0	0	0,00	0,00
41	742200	Kapitalni transferi iz nevladinih izvora	240	0	0	0	0,00	0,00
42	733100	Donacije	241	0	0	0	0,00	0,00
43		RASHODI (44 + 47 + 48 + 58 + 67 + 75 + 80)	242	64.500.662	61.524.005	9.945.051	-2.976.656,90	95,39
44	611000	Plaće i naknade troškova zaposlenih (45 + 46)	243	3.154.248	2.670.690	3.466.519	-483.558,41	84,67
45	611100	Bruto plaće i naknade plaća	244	2.684.248	2.308.436	3.037.832	-375.812,28	86,00
46	611200	Naknade troškova zaposlenih	245	470.000	362.254	428.687	-107.746,13	77,08
47	612000	Doprinosi poslodavca i ostali doprinosi	246	281.846	193.032	320.208	-88.813,70	68,49
48	613000	Izdaci za materijal, sitni inventar i usluge (od 49 do 57)	247	664.568	548.619	668.125	-115.949,41	82,55



Redni broj	Broj Konta	Pozicija	Oznaka za AOP	Planirano	Ostvareno		Odstupanje (4 - 3)	Procenat (4/3) x 100
					u tekućoj godini	u prethodnoj godini		
	1	2		3	4	5	6	7
49	613100	Putni troškovi	248	80.000	64.155	62.401	-15.845,43	80,19
50	613200	Izdaci za energiju	249	0	0	0	0,00	0,00
51	613300	Izdaci za komunikaciju i komunalne usluge	250	112.000	45.663	65.448	-66.337,28	40,77
52	613400	Nabavka materijala i sitnog inventara	251	60.000	37.325	69.881	-22.674,73	62,21
53	613500	Izdaci za usluge prevoza i goriva	252	20.000	19.041	26.668	-958,92	95,21
54	613600	Unajmljivanje imovine, opreme i nematerijalne imovine	253	1.000	1.251	3.754	251,44	125,14
55	613700	Izdaci za tekuće održavanje	254	20.000	12.957	12.078	-7.042,87	64,79
56	613800	Izdaci osiguranja, bankarskih usluga i usluga platnog prometa	255	20.000	2.889	9.862	-17.111,46	14,44
57	613900	Ugovorene i druge posebne usluge	256	351.568	365.338	418.033	13.769,84	103,92
58	614000	Tekući transferi i drugi tekući rashodi (od 59 do 66)	257	55.400.000	58.111.665	5.490.198	2.711.664,62	104,89
59	614100	Tekući transferi drugim nivoima vlasti	258	50.350.000	50.800.000	400.000	450.000,00	0,00
60	614200	Tekući transferi pojedincima	259	0	0	55.250	0,00	0,00
61	614300	Tekući transferi neprofitnim organizacijama	260	5.000.000	7.027.000	5.018.100	2.027.000,00	140,54
62	614400	Subvencije javnim preduzećima	261	0	0	0	0,00	0,00
63	614500	Subvencije privatnim preduzećima i poduzetnicima	262	0	0	0	0,00	0,00
64	614600	Subvencije finansijskim institucijama	263	0	0	0	0,00	0,00
65	614700	Tekući transferi u inostranstvo	264	0	0	0	0,00	0,00
66	614800	Drugi tekući rashodi	265	50.000	284.665	16.848	234.664,62	569,33
67	615000	Kapitalni transferi (od 68 do 74)	266	0	0	0	0,00	0,00
68	615100	Kapitalni transferi drugim nivoima vlasti	267	0	0	0	0,00	0,00
69	615200	Kapitalni transferi pojedincima	268	0	0	0	0,00	0,00
70	615300	Kapitalni transferi neprofitnim organizacijama	269	0	0	0	0,00	0,00
71	615400	Kapitalni transferi javnim preduzećima	270	0	0	0	0,00	0,00
72	615500	Kapitalni transferi privatnim preduzećima i poduzetnicima	271	0	0	0	0,00	0,00
73	615600	Kapitalni transferi finansijskim institucijama	272	0	0	0	0,00	0,00
74	615700	Kapitalni transferi u inostranstvo	273	0	0	0	0,00	0,00
75	616000	Izdaci za kamate (od 76 do 79)	274	0	0	0	0,00	0,00
76	616100	Kamate na pozajmice primljene kroz Državu	275	0	0	0	0,00	0,00
77	616200	Izdaci za inostrane kamate	276	0	0	0	0,00	0,00
78	616300	Kamate na domaće pozajmljivanje	277	0	0	0	0,00	0,00
79	616500	Izdaci za kamate vezane za dug po izdatim garancijama	278	0	0	0	0,00	0,00
80	600000	Tekuća budžetska rezerva	279	5.000.000			-5.000.000,00	
81		TEKUĆI SUFICIT (TEKUĆI DEFICIT) (1 - 41)	280	-64.500.662	-61.524.005	-9.945.051	2.976.656,90	95,39
82		TRANSAKCIJE U STALNIM SREDSTVIMA	281					
83		PRIMICI OD PRODAJE STALNIH SREDSTAVA (84 + 85 + 86)	282	0	0	0	0,00	0,00



Redni broj	Broj Konta	Pozicija	Oznaka za AOP	Planirano	Ostvareno		Odstupanje (4 - 3)	Procenat (4/3) x 100
					u tekućoj godini	u prethodnoj godini		
	1	2		3	4	5	6	7
84	811100 (osim 811122 i 811123)	Primici od prodaje stalnih sredstava	283	0	0	0	0,00	0,00
85	811200	Primici od prodaje federalnih robnih rezervi	284	0	0	0	0,00	0,00
86	811900	Ostali kapitalni primici	285	0	0	0	0,00	0,00
87	821000	IZDACI ZA NABAVKU STALNIH SREDSTAVA (od 88 do 93)	286	232.000	193.733	151.985	-38.266,85	83,51
88	821100	Nabavka zemljišta, šuma i višegodišnjih zasada	287	0	0	0	0,00	0,00
89	821200	Nabavka građevina	288	0	0	0	0,00	0,00
90	821300	Nabavka opreme	289	100.000	66.798	45.754	-33.202,49	66,80
91	821400	Nabavka ostalih stalnih sredstava	290	0	0	0	0,00	0,00
92	821500	Nabavka stalnih sredstava u obliku prava	291	120.000	119.925	99.918	-75,00	99,94
93	821600	Rekonstrukcija i investiciono održavanje	292	12.000	7.011	6.313	-4.989,36	58,42
94		NETO NABAVKA STALNIH SREDSTAVA (87 - 83)	293	232.000	193.733	151.985	-38.266,85	83,51
95		NETO POZAJMLJIVANJE (NETO ZADUŽIVANJE) = UKUPAN DEFICIT/SUFICIT (81 - 94)	294	-64.732.662	-61.717.738	-10.097.036	3.014.923,75	95,34
96		TRANSAKCIJE U FINANSIJSKOJ IMOVINI	295					
97		PRIMICI OD FINANSIJSKE IMOVINE (od 98 do 104)	296	0	0	0	0,00	0,00
98	813100	Primljene otplate od pozajmljivanja drugim nivoima vlasti	297	0	0	0	0,00	0,00
99	813200	Primljene otplate od pozajmljivanja pojedincima i neprofitnim organizacijama	298	0	0	0	0,00	0,00
100	813300	Primljene otplate od pozajmljivanja javnim preduzećima	299	0	0	0	0,00	0,00
101	813400	Primitak sredstava po osnovu učešća u dionicama javnih preduzeća	300	0	0	0	0,00	0,00
102	813500	Primitak sredstava po osnovu učešća u dionicama privatnih preduzeća i u zajedničkim ulaganjima	301	0	0	0	0,00	0,00
103	813600	Primljene otplate od ostalih vidova domaćeg pozajmljivanja	302	0	0	0	0,00	0,00
104	813700	Primljene otplate od pozajmljivanja u inostranstvo	303	0	0	0	0,00	0,00
105	822000	IZDACI ZA FINANSIJSKU IMOVINU (od 106 do 112)	304	0	0	0	0,00	0,00
106	822100	Pozajmljivanje drugim nivoima vlasti	305	0	0	0	0,00	0,00
107	822200	Pozajmljivanje pojedincima, neprofitnim organizacijama i privatnim preduzećima	306	0	0	0	0,00	0,00
108	822300	Pozajmljivanje javnim preduzećima	307	0	0	0	0,00	0,00
109	822400	Izdaci za kupovinu dionica javnih preduzeća	308	0	0	0	0,00	0,00
110	822500	Izdaci za kupovinu dionica privatnih preduzeća i učešće u zajedničkim ulaganjima	309	0	0	0	0,00	0,00



Redni broj	Broj Konta	Pozicija	Oznaka za AOP	Planirano	Ostvareno		Odstupanje (4 - 3)	Procenat (4/3) x 100
					u tekućoj godini	u prethodnoj godini		
1	2	3	4	5	6	7		
111	822600	Ostala domaća pozajmljivanja	310	0	0	0	0,00	0,00
112	822700	Pozajmljivanje u inostranstvo	311	0	0	0	0,00	0,00
113		NETO POVEĆANJE (SMANJENJE) FINANSIJSKE IMOVINE (97 - 105)	312	0	0	0	0,00	0,00
114		TRANSAKCIJE U FINANSIJSKIM OBAVEZAMA	313					
115		PRIMICI OD ZADUŽIVANJA (116 + 120)	314	0	0	0	0,00	0,00
116	814000	Primici od dugoročnog zaduživanja (117 + 118 + 119)	315	0	0	0	0,00	0,00
117	814100	Zajmovi primljeni kroz Državu	316	0	0	0	0,00	0,00
118	814200	Primici od inostranog zaduživanja	317	0	0	0	0,00	0,00
119	814300	Primici od domaćeg zaduživanja	318	0	0	0	0,00	0,00
120	815000	Primici od kratkoročnog zaduživanja (121 + 122 + 123)	319	0	0	0	0,00	0,00
121	815100	Zajmovi primljeni kroz Državu	320	0	0	0	0,00	0,00
122	815200	Primici od inostranog zaduživanja	321	0	0	0	0,00	0,00
123	815300	Primici od domaćeg zaduživanja	322	0	0	0	0,00	0,00
124	823000	IZDACI ZA OTPLATE DUGOVA (od 125 do 130)	323	0	0	0	0,00	0,00
125	823100	Otplate dugova primljenih kroz Državu	324	0	0	0	0,00	0,00
126	823200	Vanjske otplate	325	0	0	0	0,00	0,00
127	823300	Otplata domaćeg zaduživanja	326	0	0	0	0,00	0,00
128	823400	Otplata unutrašnjeg duga	327	0	0	0	0,00	0,00
129	823500	Otplata duga po izdatim garancijama	328	0	0	0	0,00	0,00
130	823600	Otkup duga	329	0	0	0	0,00	0,00
131		NETO ZADUŽIVANJE (NETO OTPLATE DUGOVA) (115 - 124)	330	0	0	0	0,00	0,00
132		UKUPAN FINANSIJSKI REZULTAT (95 + 113 + 131)	331	-64.732.662	-61.717.738	-10.097.036	3.014.923,75	95,34
133		SINTETIČKA KLASIFIKACIJA FUNKCIJA VLADE (COFOG) (134 + 143 + 149 + 156 + 166 + 173 + 180 + 187 + 194 + 203)	332	64.732.662	61.717.738	10.097.036	-3.014.924,00	95,34

U Sarajevu

Alma Bunar

Certificirani računovoda

M.P.

Rukovodilac

dr.sci. Edita Kalajdžić, sekretar Vlade

Dana 18.02.2026. godine

Broj dozvole: XXXXXXXXXX

Vlada Federacije Bosne i Hercegovine
Nadležno ministarstvo

Vlada FBiH Sarajevo
Potrošačka jedinica - glava

Sarajevo-Novoo Sarajevo
Sjedište potrošačke jedinice

84.11
Šifra po kvalifikacionoj djelatnosti
1201
Organizacioni broj
71000
Operativni broj
0110
Funkcionalni kod
10
Fond
Pojedinačni obrasci: x
Konsolidovani obrasci:

BILANS STANJA
na dan 31.12.2025. godine

- u KM -

R.b.	Broj konta	Pozicija	Oznaka za AOP	U obračunskom periodu tekuće godine	U istom obračunskom periodu prethodne godine	Procenat (4/5) × 100
1	2	3	4	5	6	
1		I AKTIVA				
2	100000+ 200000	A. Gotovina, kratkoročna potraživanja, razgraničenja i zalihe (3 do 10)	001	1.990.399	929.462	214,15
3	110000	Novčana sredstva i plemeniti metali	002	452	438	103,20
4	120000	Vrijednosni papiri	003	0	0	
5	130000	Kratkoročna potraživanja	004	2.704	5.284	51,17
6	140000	Kratkoročni plasmani	005	0	0	
7	160000	Finansijski i obračunski odnosi sa drugim povezanim jedinicama	006	1.931.684	841.324	229,60
8	210000	Zalihe materijala i robe	007	0	0	
9	220000	Zalihe sitnog inventara	008	0	0	
10	190000	Kratkoročna razgraničenja	009	55.559	82.416	67,41
11	000000	B. Stalna sredstva (14+17+20+21)	010	64.419.514	65.497.300	98,35
12	011000	Stalna sredstva	011	74.978.329	75.407.075	99,43
13	011900	Ispravka vrijednosti stalnih sredstava	012	10.558.815	9.909.775	106,55
14	011-0119	Neotpisana vrijednost stalnih sredstava (12-13)	013	64.419.514	65.497.300	98,35
15	020000	Dugoročni plasmani	014	0	0	
16	029000	Ispravka vrijednosti dugoročnih plasmana	015	0	0	
17	020-029	Neotpisana vrijednost dugoročnih plasmana (15-16)	016	0	0	
18	031000	Vrijednosni papiri	017	0	0	
19	031900	Ispravka vrijednosti vrijednosnih papira	018	0	0	
20	031-0319	Neotpisana vrijednost vrijednosnih papira (18-19)	019	0	0	
21	09	Dugoročna razgraničenja	020	0	0	
22		UKUPNA AKTIVA (2+11) = 41	021	66.409.913	66.426.762	99,97

* 1 0 0 2 2 2 7 2 1 1 1 1 *
str. 1 od 2

Kontrolni broj: 10082337241818



10082337241818

str. 1 od 2

Kontrolni broj: 10082337241818

R.b.	Broj konta	Pozicija	Oznaka za AOP	U obračunskom periodu tekuće godine	U istom obračunskom periodu prethodne godine	Procenat (4/5) × 100
	1	2	3	4	5	6
23		II PASIVA				
24	300000	A. Kratkoročne obaveze i razgraničenja (25 do 30)	022	1.990.399	929.462	214,15
25	310000	Kratkoročne tekuće obaveze	023	1.793.757	618.130	290,19
26	320000	Obaveze po osnovu vrijednosnih papira	024	0	0	
27	330000	Kratkoročni krediti i zajmovi	025	0	0	
28	340000	Obaveze prema zaposlenicima	026	193.938	306.048	63,37
29	360000	Finansijski i obračunski odnosi s drugim povezanim jedinicama	027	0	0	
30	390000	Kratkoročna razgraničenja	028	2.704	5.284	51,17
31	400000	B. Dugoročne obaveze i razgraničenja (32+33+34)	029	0	0	
32	410000	Dugoročni krediti i zajmovi	030	0	0	
33	420000	Ostale dugoročne obaveze	031	0	0	
34	490000	Dugoročna razgraničenja	032	0	0	
35	500000	C. Izvori stalnih sredstava (36+37+38+39-40)	033	64.419.514	65.497.300	98,35
36	510000	Izvori stalnih sredstava	034	64.419.514	65.497.300	98,35
37	520000	Ostali izvori sredstava	035	0	0	
38	530000	Izvori sredstava rezervi	036	0	0	
39	590000	Neraspoređeni višak prihoda nad rashodima	037	0	0	
40	590000	Neraspoređeni višak rashoda nad prihodima	038	0	0	
41		UKUPNA PASIVA (24+31+35) = 22	039	66.409.913	66.426.762	99,97

Sarajevo-Novo Sarajevo, 18.02.2026.

Mjesto i datum

BUNAR (ŠEMO) ALMA

Certifikovani računovođa

dr.sci. Edita Kalajdžić

Rukovodilac

Broj dozvole

M.P.



BOSNA I HERCEGOVINA
FEDERACIJA BOSNE I HERCEGOVINE
V L A D A

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
В Л А Д А

BOSNIA AND HERZEGOVINA
FEDERATION OF BOSNIA AND HERZEGOVINA
G O V E R N M E N T

Datum: 25.05.2026. godine

Broj: 04-11-1714/2025-1

URED ZA REVIZIJU INSTITUCIJA U FBiH

IZJAVA RUKOVODSTVA

Ova izjava (u skladu sa zahtjevima ISSAI-ja 2580) daje se u vezi s vašom finansijskom revizijom **Vlade Federacije BiH (Generalni sekretarijat)** za 2025. godinu, u svrhu izražavanja mišljenja o tome da li finansijski izvještaji daju istinit i objektivni prikaz, po svim materijalno značajnim aspektima, u skladu s posebnim propisima Federacije BiH za budžetske korisnike o računovodstvu i finansijskom izvještavanju u javnom sektoru.

Izjava se daje i u svrhu potvrđivanja da su aktivnosti, finansijske transakcije i informacije, prikazane u finansijskim izvještajima **Vlade Federacije BiH (Generalni sekretarijat)**, u svim značajnim aspektima usklađene s nadležnom zakonskom i drugom pravnom regulativom.

Potvrđujemo sljedeće (po našem najboljem znanju i uvjerenju, nakon ispitivanja koje smo smatrali neophodnim kako bismo se odgovarajuće informisali):

Finansijski izvještaji

- Ispunili smo svoju odgovornost za pripremu finansijskih izvještaja u skladu s posebnim propisima Federacije BiH o računovodstvu i finansijskom izvještavanju u javnom sektoru.
- Značajne pretpostavke koje smo koristili u izradi računovodstvenih procjena, uključujući i one mjerene po fer vrijednosti, razumne su i osnovane.
- Odnosi i transakcije između povezanih strana adekvatno su računovodstveno obuhvaćene i objavljene u skladu s posebnim propisima Federacije BiH o računovodstvu i finansijskom izvještavanju.
- Pravilno smo procijenili, evidentirali i objavili sve gubitke po osnovu nenaplativih potraživanja, preuzetih obaveza i obezvređivanja imovine.
- Preduzeli smo neophodne aktivnosti da spriječimo prevare i zloupotrebe javnih sredstava za slučajeve koji su nam bili poznati.
- Nije bilo neusklađenosti sa zahtjevima nadležne zakonske i druge pravne regulative, koje bi, u slučaju nepoštovanja, mogle imati materijalno značajne efekte na finansijske izvještaje.
- Nabavke roba, usluga i radova proveli smo u skladu sa Zakonom o javnim nabavkama u BiH, rukovodeći se principima racionalnog trošenja javnih sredstava i obezbjeđivanja najboljeg kvaliteta nabavljenih roba, usluga i radova.
- Postupili smo u skladu sa svim aspektima odredbi ugovora (koje smo zaključili tokom godine ili u ranijem periodu), a koje bi, u slučaju nepridržavanja, mogle imati značajne efekte na finansijske izvještaje.

Adresa: Hamdije Čemerića 2, 71000 Sarajevo
Tel: +387 33 66 44 49 Fax: +387 33 21 24 11, +387 33 66 72 69
www.fbihvlada.gov.ba
e-mail: sekretar@fbihvlada.gov.ba

- Sve transakcije su evidentirane u računovodstvenim evidencijama i prezentovane u finansijskim izvještajima.

Omogućili smo vam:

- pristup svim poslovnim knjigama, evidencijama i dokumentaciji, za koje smatramo da su relevantne za pripremu finansijskih izvještaja;
- pristup svim informacijama o sudskim sporovima u toku, pokrenutim protiv **Vlade Federacije BiH (Generalni sekretarijat)** i koje je pokrenula **Vlada Federacije BiH (Generalni sekretarijat)** i procjenu ishoda tih sporova;
- pristup dokumentaciji vezanoj za sudska poravnanja i isplate po tim osnovama;
- dodatne informacije koje ste zahtijevali od nas za potrebe revizije;
- neograničen pristup osobama u **Vladi Federacije BiH (Generalni sekretarijat)** za koje ste utvrdili da je neophodno da daju revizorske dokaze.

Pružene informacije

- Otkrili smo vam sve poznate slučajeve neusklađenosti sa zakonskom i drugom pravnom regulativom ili sumnjama da one postoje.
- Otkrili smo vam identitet povezanih stranaka subjekta i sve odnose i transakcije koje su nam poznate.
- Dali smo sve informacije u vezi s prevarom ili sumnjom da ona postoji, za koje imamo saznanja i koje mogu uticati na subjekt, a uključuju:
 - rukovodstvo;
 - zaposlene koji imaju značajnu ulogu u internoj kontroli ili
 - ostale, gdje prevara može imati značajan učinak na finansijske izvještaje.

